


OBOR BELIA

BUKU 8

KENALILAH DIA

(SIFAT & KARAKTER TUHAN)



OBOR BELIA

Penulis (Bahasa Inggeris): Goh Kim Guat

Kim Guat aktif dalam pelayanan belia dan kanak-kanak. Dia telah memperoleh B.A. (Hons) di Bryn Mawr College, U.S.A. dan M.Ed. di Harvard Graduate School of Education.

Penterjemah: Cheong Pooi Wah

Pooi Wah pernah bekerja sebagai seorang perpustakawan di Bible College of Malaysia, Petaling Jaya dan mengajar beberapa kursus di Jabatan BM. Dia banyak membantu menterjemah nota-nota mengajar dan dokumen-dokumen lain.

Penyunting: Randy Singkee

Randy banyak terlibat dalam penulisan dan penterjemahan sejak tahun 1996. Dia memperoleh B.A. (Hons) dari Universiti Malaya dan M.Sc. dari University of Edinburgh, UK.

Cetakan Pertama: April 2010

Penerbit : Wawasan Penabur Sdn. Bhd.
wawasan.penabur@gmail.com
Pencetak : Akitiara Corporation Sdn. Bhd.
Lukisan Kulit Buku : Donna M. Backues
Illustrasi Foto : Lilaine Lai

Petikan Alkitab diambil dari

Alkitab Berita Baik © 1996, Bible Society of Malaysia
Alkitab Terjemahan Baru © 1974, Lembaga Alkitab Indonesia

Hakcipta © 2010 Wawasan Penabur Sdn. Bhd.

Hak Cipta terpelihara. Tidak dibenarkan mengeluar ulang mana-mana bahagian artikel, ilustrasi, dan isi kandungan buku ini dalam apa juga bentuk dan dengan cara apa juar sama ada secara elektronik, fotokopi, mekanik, rakaman atau cara lain sebelum mendapat izin bertulis daripada Penerbit.

I si Kandungan

1	Sebelum Anda Bermula
4	Mukadimah: Kenalilah Dia
Lembar Kerja	
6	Sesi 1: Tuhan Yang Maha Kekal
12	Sesi 2: Tuhan Yang Maha Bijaksana
16	Sesi 3: Tuhan Yang Maha Agung
20	Sesi 4: Tuhan Yang Maha Baik
24	Sesi 5: Tuhan Yang Maha Adil
30	Sesi 6: Tuhan Yang Maha Esa
34	Sesi 7: Tuhan Yang Maha Kuasa
38	Sesi 8: Tuhan Yang Maha Kudus
 Panduan Pembimbing	
43	Sesi 1
48	Sesi 2
53	Sesi 3
57	Sesi 4
61	Sesi 5
66	Sesi 6
71	Sesi 7
76	Sesi 8
80	Evaluasi OBOR Belia

Sebelum Anda Bermula...

Memperkenalkan **OBOR BELIA**

OBOR BELIA dituliskan sebab:

- Para belia dan muda-mudi masih mencari program yang lebih berkesan dan yang dapat memenuhi keperluan mereka.
- Para belia dan muda-mudi masih kekurangan pembelajaran sistematis yang dapat meletakkan dasar iman teguh di tengah-tengah tekanan kehidupan moden ini.
- Kebanyakan buku pemuridan tidak dituliskan menurut konteks dan masalah-masalah yang dihadapi oleh belia dan muda-mudi yang hidup sebagai umat Tuhan di negara ini.

OBOR BELIA merupakan kurikulum yang memuat kaedah-kaedah kreatif dan praktikal agar Injil dapat disampaikan sesuai dengan keperluan para belia dan muda-mudi zaman sekarang. Kurikulum ini diolah untuk generasi muda Tubuh Kristus supaya mereka mengenal iman mereka secara mendalam dan hidup setia sebagai umat Tuhan di negara ini. Kurikulum ini akan memberi anda peluang untuk berbincang, bertukaran pendapat, berdoa bersama, belajar daripada satu sama lain, dan berseronok bersama. Setelah mempelajari kurikulum ini, anda akan mengetahui bahawa menjadi seorang Kristian memang relevan, mencabar, teruja dan anda akan menemui apa yang andakehendaki untuk kehidupan anda.

Cara Menggunakan **OBOR BELIA**

OBOR BELIA dicorakkan untuk pertemuan mingguan yang boleh digunakan di persekutuan di sekolah, rumah atau gereja. Anda juga boleh mengubahsuainya untuk kelompok kecil anda.

Siri buku ini mempunyai dua bahagian besar: Lembar Kerja dan Panduan Pembimbing yang memberi panduan dan aktiviti-aktiviti kreatif untuk topik-topik buku ini.

Panduan Pelajar terdiri daripada Kata-Kata Mutiara, Ayat Mas Alkitab, Aktiviti Bersama, Renungan Firman Tuhan, Renungan Peribadi dan Doa. Panduan Pembimbing pula mempunyai tiga aspek tambahan iaitu Objektif-Objektif Sesi, Aktiviti Pencetus Minat, Jawapan Firman

Tuhan serta kaedah ajaran yang boleh digunakan.

Pembimbing atau pemimpin kelompok harus membaca Lembar Kerja dan Panduan Pembimbing untuk memahami seluruh pelajaran ini dan cara menyelenggarakannya.

Dalam Siri Buku **OBOR BELIA** ini, anda akan menemui yang berikut:



Ayat Mas Alkitab

Ayat ini merupakan ayat yang penting dan perlu direnunggi bersama kelompok anda.



Kata-Kata Mutiara

Baca bersama ahli-ahli kumpulan anda dan jelaskannya secara singkat.



Aktiviti Bersama

Bahagian ini memperkenalkan tema utama sesi ini dengan menggunakan pelbagai permainan, lakonan, kertas kerja atau cara yang menarik untuk mencetus minat para peserta.



Renungan Firman Tuhan

Bahagian di mana Firman Tuhan akan dibentang dan dibincangkan. Pelbagai aktiviti dirancang agar mereka dapat melibatkan diri dalam Firman Tuhan.



Renungan Peribadi

Bahagian ini menggabungkan cara-cara kreatif dan praktikal untuk menggalakkan mereka merenunggi pelajaran hari itu serta menerapkan kebenaran yang telah dipelajari untuk kehidupan mereka, dan bukan sekedar mengetahuinya sahaja.



Doa

Pembimbing dan peserta digalakkan menutup setiap sesi dengan doa.

Untuk Pemimpin/Pembimbing

Panduan untuk memimpin dan membimbing sesi disediakan di bahagian akhir buku ini. Anda akan dibekalkan dengan nota-nota tambahan untuk setiap bahagian dalam sesi di Lembar Kerja.



Objektif-Objektif Sesi

Bahagian ini menjelaskan dengan terperinci objektif-objektif sesi. Pembimbing mesti membaca objektif-objektif ini sebelum mulakan pelajaran.



Pencetus Minat

Mencadangkan beberapa teknik pemanasan dan pencetus minat para pelajar dengan menggunakan permainan, lakonan, dan sebagainya.



Aktiviti Tambahan

Aktiviti atau pelajaran tambahan yang diolah untuk memperkuatkan lagi pengajaran Alkitab atau satu pernyataan.

Beberapa Panduan Berguna

*** Baca**

Baca bahagian Lembar Kerja dan Panduan Pembimbing jika anda sedang membimbing satu kelompok supaya anda boleh berfikir dan menyiapkan diri dengan mantap.

*** Doa**

Berdoa agar Tuhan memberi anda kebijaksanaan sewaktu mengendalikan topik dalam perbincangan. Jangan lupa berdoa agar Tuhan menyentuh dan mengubah kehidupan ahli-ahli kumpulan anda.

*** Persiapan**

Bahagian Renungan Firman Tuhan memerlukan paling banyak bimbingan dan ajaran daripada anda. Renungkan contoh-contoh yang dapat menolong anda menjelaskan ajaran anda dalam bahagian lain.

*** Santai & Ketawa**

Jangan terlalu serius dan kalau boleh berjenakalah sekali-sekala. Biar proses pembelajaran itu lebih berinteraksi, partisipasi dan santai.

Buku 8 : Kenalilah Dia

Mukadimah

Tiada seruan lain yang lebih hebat atau mulia bagi seseorang daripada mengenali Tuhan Penciptanya. Kita diciptakan untuk mengenali-Nya. Tiada cita-cita yang paling bermakna dalam hidup selain daripada mengenali-Nya. Dan tiada nikmat yang paling bahagia dalam hidup selain daripada mengenali Dia yang merupakan sumber hidup itu sendiri.

Bila kita memperkatakan tentang Allah, apa yang terlintas di fikiran anda tentang Dia? Adakah Tuhan Allah itu Yang Agung, Perkasa dan Maha Kuasa? Atau adakah seperti yang dinyatakan oleh seorang penulis, kita menyanjung manusia dengan hebat sekali, tetapi pada kebiasaannya kita memiliki pandangan dan pemikiran yang cetek dan sempit tentang Dia?

Hanya satu cara untuk memiliki fikiran-fikiran hebat tentang Allah iaitu dengan mengisi hati dan minda anda dengan fikiran-fikiran akan sifat-sifat Allah. Inilah yang ingin dilakukan melalui buku ini – memperkenalkan anda kepada beberapa sifat dan karakter Allah dan meluaskan pemahaman anda tentang Dia.

Ingatlah bahawa ada banyak perbezaannya antara mengenali Allah dan mengetahui tentang Allah. Buku ini bukan sekadar mengisi minda anda dengan pengetahuan tentang Allah semata-mata. Yang lebih mustahak ialah anda belajar mendekati, mendampingi dan mengenali-Nya. Ingatlah bahawa dengan tujuan inilah anda dicipta, supaya mengenali Allah serta mengasihi Dia.

“Janganlah orang bijaksana bermegah karena kebijaksanaannya, janganlah orang kuat bermegah karena kekuatannya, janganlah orang kaya bermegah karena kekayaannya, tetapi siapa yang mau bermegah, baiklah bermegah karena yang berikut: bahwa ia memahami dan mengenal Aku, bahwa Akulah TUHAN yang menunjukkan kasih setia, keadilan dan kebenaran di bumi; sungguh, semuanya itu Kusukai, demikianlah firman TUHAN.”

(Yeremia 9:23-24)

Tuhan Yang Maha Kekal





Ayat Mas Alkitab

“Tetapi Engkau tetap sama, dan tahun-tahun-Mu tidak berkesudahan. (Mazmur 102:27)



Kata-kata Mutiara

“Anda mungkin mengenal Allah, tetapi tidak memahami-Nya”

~ Richard Baxter



Aktiviti Bersama

Sama Selama-lamanya: Allah Tak Berubah-ubah

Sepanjang kehidupan ini, anda akan mendapati bahawa anda tidak tetap sama – amalan-amalan anda berubah, rupa anda berubah, karakter anda berubah, dan segala yang berubah itu pula bukannya selalu baik!

Bagaimana dengan Allah? Adakah Dia turut berubah menurut peredaran waktu? Adakah Allah yang dikatakan dalam Alkitab itu Allah yang sama hari ini? Baca ayat-ayat yang diberikan dan dengan ringkas, tulis apa yang dikatakan.

Bahagian Firman	Apa Yang Dikatakan oleh Firman Tuhan
Karakter Allah	Mazmur 102:25-28
Kebenaran/Firman Tuhan	Yesaya 40:6-8
Rancangan/Tujuan Allah	Bilangan 23:19



Renungan Firman Tuhan

A. Karakter Allah

- Baca ayat-ayat rujukan Alkitab di bawah ini dan tuliskan karakter-karakter Tuhan:

Mazmur 11:7	
Ulangan 7:9	
1 Yohanes 3:3	
Yeremia 3:12	
Mazmur 103:8	
Mazmur 99:9	
Ayub 36:5	
Wahyu 3:7	
Ulagan 33:27	

Gunakan jawapan-jawapan yang telah anda temui di atas dan carilah kata-kata yang menghuraikan karakter/sifat Allah. **Bulat atau warnakan.** Kata-kata itu mungkin dibaca dalam apa jua arah – mendatar, menegak, memenjuru, ke depan atau ke belakang!

A	B	C	D	E	F	G	H	I	J	K
G	M	U	R	A	H	H	A	T	I	L
F	H	I	A	J	K	L	I	M	D	M
E	H	X	N	A	D	C	T	N	A	N
D	I	W	E	D	E	K	E	O	B	O
C	S	V	B	I	B	U	S	P	A	P
B	A	U	N	L	F	D	B	Q	U	Q
A	G	T	O	M	G	U	A	R	V	R
Z	N	S	P	L	H	S	U	C	I	T
Y	E	R	Q	K	I	J	Y	T	X	U
X	P	E	R	K	A	S	A	W	V	K

2. Baca Ibrani 13:8. Catatkan apa yang ditulis tentang Yesus juga.

B. Kebenaran/Firman Tuhan

3. Apakah maksudnya bahawa kebenaran/firman Tuhan tidak berubah? Tandakan mana-mana kenyataan yang anda anggap betul:
- a. Apa yang difirmankan Allah tidak akan berubah kecuali kita tidak mematuhi Dia
 - b. Apa yang dijanjikan oleh Allah dalam Firman-Nya tidak akan berubah
 - c. Apa yang dikatakan oleh Allah hanya benar dalam Perjanjian Lama dan Baru sahaja
 - d. Firman Tuhan kekal selama-lamanya

C. Rencana/Tujuan Allah

4. Jika rencana/tujuan Allah tidak berubah, maka saya boleh menyerahkan dan mempercayai-Nya dalam hal-hal berikut (bulatkan mana yang anda fikir adalah betul):
- a. Rencana-Nya bagi diri saya adalah baik dan tidak berubah tidak kira sebaik atau sejahat mana saya.
 - b. Saya boleh menyerahkan hidup dan masa depan saya ke dalam tangan-Nya.
 - c. Allah akan membantu saya hanya jika saya membantu diri saya sendiri!
 - d. Saya akan menerima hidup kekal jika saya menerima Yesus sebagai Tuhan dan Penyelamat saya.
 - e. Roh Kudus hanya akan menetap dalam diri saya jika saya mematuhi-Nya.
 - f. Saya masih anak Tuhan walaupun saya tidak selalu mematuhi-Nya.



Renungan Peribadi

Anda baru sahaja mempelajari bahawa Allah adalah Tuhan yang tidak pernah berubah, betul? Bagaimanakah pengetahuan tentang Allah yang tidak berubah itu dapat membantu ketika anda sedang melalui perubahan-perubahan atau kesukaran?

Isikan tempat-tempat kosong dengan mana-mana pengalaman atau situasi yang menepati keadaan anda.

Kasih Allah tidak akan berubah

Saya tidak perlu merasa takut bahawa Allah akan berhenti mengasihi saya walaupun saya _____

Janji-janji Allah tidak akan berubah

Oleh sebab saya tahu bahawa janji-janji Allah tidak akan berubah, saya boleh terus mempercayai Allah walaupun _____

Rencana/Tujuan Allah tidak akan berubah

Oleh sebab semua rencana dan tujuan Allah bagi saya adalah baik dan tidak akan berubah, saya tidak perlu khuatir walaupun _____

Jika anda diminta supaya menghuraikan sesuatu yang kuat, mantap dan tidak berubah, apakah yang terlintas dalam fikiran anda? Sebagai contoh, mungkin batu atau gunung, dsb. Biarlah benda itu mengingatkan anda tentang Allah yang tidak berubah-ubah dan kepada Dialah anda dapat mempercayai dengan sepenuhnya. Apa sekalipun benda yang anda fikirkan, lukiskannya. Kemudian tulis pada gambar itu satu sifat Allah yang tidak berubah yang begitu bermakna bagi diri anda. Sebagai contoh, jika dengan mengetahui bahawa Allah sentiasa setia begitu bermakna bagi anda, tuliskan ‘Kesetiaan Allah’ atau ‘Allah sentiasa setia’ pada gambar anda itu.



Santapan Minda

Menurut Kitab Suci, Allah tidak boleh difahami tetapi boleh diketahui. Dia mutlak tetapi juga peribadi.

~ Herman Bavinck



Doa

Bentukkan satu bulatan dan berdoalah bergilir-gilir. Anda boleh gunakan lukisan-lukisan anda sebagai tumpuan doa. Bersyukurlah dan pujiilah Tuhan atas karakter dan sifatnya yang telah anda ketahui.

Tuhan Yang Maha Bijaksana





Ayat Mas Alkitab



"Tetapi pada Allahlah hikmat dan kekuatan, Dialah yang mempunyai pertimbangan dan pengertian." (Ayub 12:13)



Kata-kata Mutiara

Anda mungkin tidak memahami sepenuhnya apa yang sedang dilakukan oleh Tuhan melalui kesukaran dalam kehidupan anda. Tetapi bersyukurlah kerana segalanya masih dalam kawalan dan kuasa-Nya. Dia adalah Allah yang maha bijaksana yang mengetahui apakah yang terbaik untuk anda.



Aktiviti Bersama

Apakah Itu Hikmat?

Baca ayat-ayat berikut, satu per satu. Apakah yang dikatakan oleh ayat-ayat ini tentang hikmat?

Ayub 12:13	
Amsal 2:6	
Amsal 2:9-10	



Renungan Firman Tuhan

Hikmat Allah

Baca ayat-ayat Alkitab yang tersenarai di bawah yang menyatakan kehidupan Yusuf serta musim-musim yang dilaluinya. Kemudian lakarkan keenam-enam musim tersebut secara kartun atau komik.

Kejadian 37:1-11	Kejadian 37:12-28

Kejadian 39:1-20	Kejadian 39:21-23; 40:23-41:1
Kejadian 41:37-46	Kejadian 45:1-15

Di bawah setiap lakaran, dengan menggunakan satu dua ayat, berikan pendapat anda tentang perasaan atau fikiran Yusuf dalam keadaan-keadaan tersebut. Sebagai contoh, (Kejadian 37:1-11) anda boleh menulis sebegini:

"Alangkah baiknya jika semua saudara ku sujud di hadapan ku!"

Setelah selesai, ceritakan lukisan masing-masing.



Renungan Peribadi

Pastinya Bukan Cara Saya!

Kadang-kadang Allah akan menggunakan masalah-masalah dan situasi-situasi yang sukar dalam kehidupan anda untuk membentuk dan mengubah anda.

Adakah anda sekarang sedang melalui keadaan yang sukar? Atau anda pernah melalui keadaan seperti itu? Tulis dan huraikan satu atau dua keadaan tersebut, baik yang sedang ataupun yang pernah anda lalui.

Adakah anda memahami mengapa Allah membenarkan anda melalui keadaan-keadaan tersebut?

Bagaimanakah perasaan anda tentang Allah yang mengizinkan anda mengalaminya? Tandakan mana-mana kenyataan yang menyatakan perasaan anda.

- | | |
|---|--|
| <input type="checkbox"/> Marah pada Allah | <input type="checkbox"/> Kecewa dengan Allah |
| <input type="checkbox"/> Tak Gembira | <input type="checkbox"/> Susah Hati |
| <input type="checkbox"/> Rasa tidak adil | <input type="checkbox"/> Takut |
| <input type="checkbox"/> Terganggu | <input type="checkbox"/> Tak tahu apa yang harus dilakukan |
| <input type="checkbox"/> Lain-Lain perasaan _____ | |

Baca Yesaya 55:8-9. Dengan perkataan anda sendiri, tuliskan apakah yang Allah mahu sampaikan kepada anda mengenai masalah atau situasi anda, melalui kata-kata Yesaya ini.

Santapan Minda

Allah itu Roh. Di dalam dan dari Diri-Nya yang tak terbatas dalam keberadaan, kemuliaan, kebahagiaan, dan kesempurnaan; cukup semuanya, kekal, tidak berubah, ada di mana-mana, Maha Kuasa, mengetahui segala sesuatu, Maha Bijaksana, Maha Suci, Maha Adil, Maha Penyayang, panjang sabar, dan berkelimpahan kebaikan dan kebenaran-Nya.

~ Westminster Larger Catechism



Doa

Secara peribadi datanglah menghadap Allah dan ucapkan syukur kepada-Nya atas hikmat-Nya dalam segala yang sedang Dia lakukan dalam hidup anda, walaupun itu mungkin sukar untuk anda lalui. Berdoalah juga agar Allah akan menganugerahkan hikmat-Nya supaya anda akan semakin takut akan Allah dan hidup dengan penuh rendah hati serta sentiasa mematuhi-Nya.

Tuhan Yang Maha Agung





Ayat Mas Alkitab

“Dengan siapa hendak kamu samakan Aku, seakan-akan Aku seperti dia? firman Yang Mahakudus. Arahkanlah matamu ke langit dan lihatlah: siapa yang menciptakan semua bintang itu dan menyuruh segenap tentara mereka keluar, sambil memanggil nama mereka sekaliannya? Satupun tiada yang tak hadir, oleh sebab la maha kuasa dan maha kuat.” (Yesaya 40:25, 26)



Kata-kata Mutiara

Ya TUHAN, Tuhan kami, betapa mulianya nama-Mu di seluruh bumi! Keagungan-Mu yang mengatasi langit dinyanyikan.

~ Raja Daud dalam Mazmur 8:1



Aktiviti Bersama

Kahzanah Kata

Anda dan kumpulan anda diberikan masa 3 minit untuk membentuk seberapa banyak patah perkataan dengan menggunakan huruf-huruf **“Siapa Yang Terhebat”**. Perkataan yang dibentuk mestilah sekurang-kurangnya terdiri daripada tiga huruf.

Satu markah akan diberikan bagi setiap perkataan yang dieja dengan betul. Satu markah akan ditolak jika salah ejaannya.



Renungan Firman Tuhan

1. Bandingkan Keagungan Allah dengan senarai di bawah:

Apa Yang Hebat Di Dunia	Mengapa Ianya Hebat	Perbandingan Dengan Keagungan Allah
Dunia sukan		
Bintang-bintang		
Bangsa-bangsa		
Para pemerintah yang hebat (Raja-raja/Permaisuri)		


2. Padankan keagungan Allah yang dinyatakan dalam ayat rujukan masing-masing kepada golongan yang sesuai.

Yesaya 40:15
Yesaya 40:12
Daniel 2:21

Yesaya 40:23-24
Yesaya 40:22
Mazmur 47:9

Yesaya 40:25-26
Mazmur 147:4

3. Baca Yesaya 40:9-31, tulis seberapa banyak sifat/karakter Allah yang anda temui dalam petikan tersebut.



Renungan Peribadi

Isytiharkan Keagungan-Nya!

Di atas kertas besar/mahjung yang telah disediakan oleh pembimbing anda, setiap orang akan menulis satu atau dua perkara yang dianggapnya hebat, sama ada orang, tempat atau bintang-bintang dsb., sebagai mengesahkan bahawa Allah lebih hebat daripada ke semua itu.

1. Allah Lebih Besar/Hebat Daripada

(contoh: Perdana Menteri Negara X, superman dsbnya)

2. Betapa Agung/Hebatnya Allah!

(contoh: kerana Dia mencipta langit, Dia menguasai alam dsbnya.)

Santapan Minda

“Kami tidak akan pernah belajar untuk mengenal diri kita sendiri kecuali dengan berusaha untuk mengenal Allah, sebab dengan menghadapi kebesaran-Nya, kita menyedari kekerdilan kita sendiri. Kekudusan-Nya menunjukkan kepada kita kekotoran kita, dan dengan menghayati kerendahan hati-Nya, kita menemukan betapa jauhnya kita daripada kerendahan hati....”

~ Teresa dari Avila (1515-1582)



Doa

Pujilah Allah akan kebesaran-Nya. Anda boleh menggunakan huraian-huraian yang sudah anda catatkan pada kertas *Betapa Agung/Hebatnya Allah!* sebagai doa anda. Bersyukurlah kepada Tuhan kerana telah mengajar kita tentang keagungan dan kehebatan-Nya.

Tuhan Yang Maha Baik





Ayat Mas Alkitab

“TUHAN adalah penyayang dan pengasih, panjang sabar dan berlimpah kasih setia Tidak dilakukan-Nya kepada kita setimpal dengan dosa kita, dan tidak dibalas-Nya kepada kita setimpal dengan kesalahan kita.” (Mazmur 103: 8, 10)



Kata-kata Mutiara

Allah yang merupakan Tuhan yang bermurah hati, Dia menyeru anda supaya bermurah hati juga seperti Dia.



Aktiviti Bersama Diskusi Kelompok

1. Anda akan dibahagikan kepada beberapa kumpulan kecil.
2. Ambil sekeping kertas daripada bekas yang diedarkan dan bincangkan dengan jujur kajian kes tersebut serta apa yang akan anda lakukan dalam kumpulan masing-masing.
3. Hantar seorang wakil, keluar dan baca kajian kes masing-masing dan kongsikan apa yang sudah anda bincang tadi.



Renungan Firman Tuhan

1. Apakah Yang Akan Allah Lakukan

Rujuk kepada ayat-ayat Alkitab di bawah. Berikan pendapat anda tentang tindakbalas Allah terhadap setiap keadaan tadi.

Hakim-hakim 2:16-19	
Yohanes 8:1-11	
Matius 14:13-21	
Imamat 25:35-38	

Alkitab berulang-ulang kali memberitahu kita bahawa Allah adalah Tuhan yang bermurah hati, tidak cepat naik marah dan penuh dengan kasih sayang terhadap kita.

2. Allah menyatakan kasih-Nya kepada siapa?

- a. Baca Hakim-hakim 2. Huraikan keadaan umat Allah yang tercatat dalam bahagian ini.
- b. Apakah yang dilakukan oleh Allah untuk membantu mereka?
- c. Baca Mazmur 103. Apakah satu-satu keinginan Allah bagi umat-Nya termasuk diri anda?
- d. Dalam kemurahan hati-Nya, Allah tidak melayani anda menurut tuntutan dosa anda. Jadi, bila anda tidak dilayani dengan baik, bagaimanakah anda harus bertindak?
- e. Baca Yohanes 8, huraikan dengan singkat bahagian Alkitab ini. Yesus berbelas kasihan terhadap siapa?
- f. Dalam Matius 14, siapa pula yang dikasihani oleh Yesus dan apa yang dilakukan oleh Yesus kepada mereka?



Renungan Peribadi

Allah yang merupakan Allah yang bermurah hati, Dia menyeru anda supaya bermurah hati juga seperti Dia. **Apakah cara-caranya supaya anda belajar semakin bermurah hati?**

1. Pilih seorang atau satu kumpulan supaya, dengan bantuan Allah, anda akan berusaha lebih bermurah hati terhadapnya atau mereka.
 - Seseorang yang tidak mempunyai kawan
 - Seseorang yang diperlakukan kejam oleh orang lain
 - Keluarga miskin yang saya kenali
 - Seseorang yang saya ketahui daripada berita surat khabar
 - Seseorang yang tidak gembira
 - Seseorang yang amat menyampah!
 - Seseorang yang mempunyai keperluan mendesak
2. Tulis nama dia atau nama-nama mereka.
3. Tulis satu langkah yang akan anda lakukan untuk menunjukkan kemurahan kepada dia/mereka.

Santapan Minda

Tidak ada seorangpun yang mendapatkan sesuatu daripada Tuhan atas dasar bahawa dia layak mendapatkannya. Manusia hanya layak mendapat hukuman dan kematian. Jadi, jika Tuhan menjawab doa itu adalah kerana Allah itu baik. Dari kebaikannya, kasih setia-Nya, kemurahan-Nya, Allah melakukannya! Itulah sumber untuk segalanya.

~ A.W. Tozer dalam bukunya tentang sifat-sifat Allah, hlm 47



Doa

Berdoa dan serahkan kepada Tuhan apa yang sudah anda tuliskan di bahagian Renungan Peribadi tadi. Ketahuilah bahawa Tuhan berkenan bila anda berusaha mencontohi-Nya. Oleh itu, mintalah pada Dia untuk membolehkan anda menunjukkan kasih dan kemurahan hati kepada orang lain.

Tuhan Yang Maha Adil





Ayat Mas Alkitab

“Sebab itu juga kami berusaha, baik kami diam di dalam tubuh ini, maupun kami diam di luarnya, supaya kami berkenan kepada-Nya. Sebab kita semua harus menghadap takhta pengadilan Kristus, supaya setiap orang memperoleh apa yang patut diterimanya, sesuai dengan yang dilakukannya dalam hidupnya ini, baik ataupun jahat.” (2 Korintus 5:9-10)



Kata-kata Mutiara

Hakim dunia (iaitu manusia) hanya dapat mengadili menurut pendapatnya tentang apa yang sudah dilakukan oleh tertuduh. Tetapi Hakim Syurgawi (iaitu Allah) dapat mengadili apa yang kelihatan (kelakuan) dan tidak kelihatan (hati dan fikiran) kerana Dia lah Pencipta manusia.



Aktiviti Bersama Mari Bertemu Hakim

Adakah anda pernah menonton filem atau membaca tentang seseorang yang dituduh melakukan jenayah dan dihadap ke mahkamah, dan hakim perlu memutuskan sama ada tertuduh bersalah atau tidak?

Bincangkan dalam kumpulan anda:

- (1) Bagaimana seseorang hakim membuat keputusannya?
- (2) Adakah seseorang hakim benar-benar dapat memastikan bahawa tertuduh bersalah atau tidak walaupun dia mempunyai segala bukti di depan matanya?
- (3) Tanggungjawab seseorang hakim ialah memastikan supaya orang yang melanggar undang-undang dihukum. Adakah hakim-hakim seadil dan sejujur undang-undang yang mereka cuba tegakkan? Beri contoh.



Renungan Firman Tuhan

1. Di bawah ini merupakan bukti-bukti daripada Alkitab yang menghuraikan karakter Allah sebagai Hakim yang Maha Adil. Selidikilah ayat-ayat Alkitab ini dan padankan rujukan dengan kenyataan yang betul.

Allah adalah hakim bagi
seluruh umat manusia

Ibrani 4:13

Allah adalah hakim yang benar
dan kudus. Dia akan menghakimi
dengan bijak dan adil.

Yeremia 17:10

Setiap orang akan diadili pada
Hari Pengadilan, bermula dengan
Umat Allah terlebih dahulu

2 Korintus 5:10

Kita akan diadili dan diberi balasan
setimpal perbuatan kita

Mazmur 9:7-8

Allah akan mengadili apa yang kita
fikirkan dalam hati dan minda

Roma 2:5, 9-10

2. Menurut Wahyu 15:3,4, mengapakah Allah mengadili dunia ini?
3. Allah akan mengadili kita menurut apa yang difikirkan dalam hati dan fikiran kita. Apa yang dikatakan oleh Yesus tentang hati dan fikiran kita? (Matius 12:35-37)
4. Apa yang dikatakan oleh Paulus tentang apa yang kita fikirkan (Filipi 4:8)

5. Allah juga akan mengadili tindak laku kita. Apa yang dikatakan oleh 2 Korintus 5:10 tentang perbuatan kita?
 6. Bagaimana kita harus hidup supaya kita dapat hadapi penghakiman Allah? (Kolose 1:10)



Renungan Peribadi

Penghakiman Tuhan Amat dahsyat! Dalam kumpulan anda, bincangkan apakah tindakan-tindakan yang boleh anda ambil untuk mengamalkan cara hidup yang saleh dan benar serta berkenan kepada Allah. Fikirkan 10 tindakan yang boleh anda ambil!

1
2
3
4
5
6
7
8
9
10

Santapan Minda

“Kita menghakimi dengan penampilan yang kita nampak, tetapi Tuhan melihat jauh ke dalam sehingga kepada akibat-akibatnya. Jika kita boleh melakukan sama seperti yang Tuhan lakukan, kita sudah sempurna kerana sama dengan fikiran-Nya. Tetapi kerana hakikatnya kita tidak boleh, maka ini merupakan rahmat tak erhingga bahawa Dia akan menguruskan bagi kita, tanpa mengira adakah kita suka dengan pengurusan-Nya atau tidak; dan ini disebutkan sebagai salah satu penghakiman terberat Tuhan, ketika Dia memberikan manusia ciptaan-Nya kebebasan untuk memilih menurut kata hati mereka sendiri, dan mereka berjalan mengikut hati nurani sendiri.

~ John Newton



Doa

Berdoalah dalam kumpulan masing-masing. Persembahkan segala tindakan-tindakan yang boleh anda lakukan untuk mengamalkan cara hidup yang berkenan kepada Allah. Mintalah kekuatan dari Tuhan supaya anda dapat melakukan apa yang telah anda tuliskan.

Tuhan Yang Maha Esa





Ayat Mas Alkitab

"Aku adalah Alfa dan Omega, firman Tuhan Allah, yang ada dan yang sudah ada dan yang akan datang, Yang Mahakuasa." (Wahyu 1:8)



Kata-kata Mutiara

Amat mustahak bagi anda mengetahui semua maklumat tentang siapa Allah ini yang sedang anda sembah. Tetapi apa yang lebih penting adalah anda menjadikan pengetahuan tentang Allah ini menjadi satu perhubungan erat dengan Tuhan sendiri.



Aktiviti Bersama

Baca ayat-ayat Alkitab berikut, kemudian jelaskan apa yang dikatakan oleh setiap bahagian tentang Allah:

Wahyu 1:8	
Yesaya 42:5	
Mazmur 93:2	
1 Timotius 6:16	
Maleakhi 3:6	
Yesaya 43:10-13	

Fikir dan tuliskan....

Saya paling takut pada....

Saya amat risau/ragu tentang...



Renungan Firman Tuhan

1. Bagaimakah Alkitab menerangkan tentang kewujudan diri Allah? (Wahyu 1:8)
2. Apa erti pernyataan “alfa dan omega”, dan bagaimana itu meyakinkan anda tentang Tuhan yang anda percaya?
3. Siapa yang mencipta Allah? (Yesaya 42:5)
4. Apa yang dikatakan oleh Kisah Rasul-Rasul 17:24-28 tentang Allah sebagai sumber kehidupan?
5. Apa yang dikatakan oleh Mazmur 93:2 dan 1 Timotius 6:16 tentang Allah?
6. Apa sifat Tuhan yang boleh membuat kita percaya kepada-Nya? (Maleakhi 3:6)
7. Bagaimana kita tahu Tuhan yang kita sembah itu adalah Tuhan yang benar dan esa? (Yesaya 43:10-13)



Renungan Peribadi

Fikirkan satu lambang atau gambar yang mewakili satu hal paling bermakna yang anda pelajari hari ini tentang Allah. Lukiskan di bawah (warnakan jika anda mahu):

Santapan Minda

"Janganlah takut, sebab Aku telah menebus engkau, Aku telah memanggil engkau dengan namamu, engkau ini kepunyaan-Ku. Apabila engkau menyeberang melalui air, Aku akan menyertai engkau, atau melalui sungai-sungai, engkau tidak akan dihanyutkan; apabila engkau berjalan melalui api, engkau tidak akan dihanguskan, dan nyalai api tidak akan membakar engkau. Sebab Akulah TUHAN, Allahmu, Yang Mahakudus, Allah Israel, Juruselamatmu."

~ Nabi Yesaya (40: 1b-3a)



Doa

Berdoa dalam kumpulan kecil masing-masing. Gunakan lambang-lambang yang telah anda buat sebagai titik permulaan untuk mengucap syukur dan memuji Allah – Allah yang satu dan yang benar yang layak menerima penyembahan daripada kita semua. Pujilah Allah yang tidak terbatas, yang kekal dan yang tidak berubah.

Tuhan Yang Maha Kuasa





Ayat Mas Alkitab

Maka jawab Ayub kepada TUHAN: "Aku tahu, bahwa Engkau sanggup melakukan segala sesuatu, dan tidak ada rencana-Mu yang gagal." (Ayub 42:1-2)



Kata-kata Mutiara

Mengetahui ada Allah Yang Esa di Syurga yang memerintah segala sesuatu untuk yang terbaik, memberi satu penghiburan besar kepada jiwa saya. ~ David Brainerd



Aktiviti Bersama

Dia Berdaulat Atas Segalanya!

Baca Ayub 42:1-2. Tulis semula ayat tersebut dengan menggunakan perkataan anda sendiri:

Adakah anda mendapati sangat sukar untuk menerima hakikat bahawa Tuhan menguasai segalanya termasuk kehidupan anda?

Bahagian apakah dalam kehidupan anda yang anda perlu serahkan kepada Tuhan, and mempercayai Dia untuk melakukan apa yang 'tidak mungkin' dalam kehidupan anda?

Ingatlah bahawa Allah adalah Tuhan semesta alam dan tidak ada yang sukar bagi-Nya. Semuanya ada di dalam kawalan-Nya, termasuklah kehidupan anda!



Renungan Firman Tuhan

1. Allah Maha Mengetahui

Baca Mazmur 139:7-10. Karang atau tulis semula dengan menggunakan perkataan anda sendiri, apa yang dikatakan oleh bahagian Alkitab ini.

2. Allah Maha Berkuasa

Baca Ayub 42:1-2. Karang atau tulis semula dengan menggunakan perkataan anda sendiri, apa yang dikatakan oleh bahagian Alkitab ini.

3. Allah Maha Memungkinkan

Baca Kejadian 17:1-8, 15-22. Kenapa Allah dikatakan sebagai Allah yang Maha Memungkinkan? Adakah yang mustahil bagi-Nya?

4. Allah Maha Hadir

Baca Bilangan 12:1-16. Kenapa Allah dikatakan sebagai Maha Hadir dan Maha Tahu? Adakah Dia berada di mana-mana?



Renungan Peribadi

Allah Maha Mengetahui

Apakah satu-satu dosa tersembunyi yang Allah mahu anda hadapi dan atasi pada hari ini?

Apakah satu-satunya keinginan yang tersemat dalam hati anda yang anda mahu Allah kabulkan?

Ingatlah bahawa Allah melihat dan mengetahui segala-galanya. Anda tidak dapat mlarikan diri daripada Dia dan kasih-Nya terhadap anda. Tidak kira ke mana anda pergi, Dia tetap bersama anda di situ.

Santapan Minda

"Ada satu perubahan yang luar biasa dalam fikiranku berhubung dengan doktrin kedaulatan Allah. Dari awal hingga ke hari ini ... kedaulatan mutlak Allah ...yang membuat jiwaku merasa terjamin, sebanyak mana yang mataku melihat... Doktrin ini sering kali muncul sebagai sesuatu yang menyenangkan, cerah dan manis. Kedaulatan mutlak itulah yang aku ingin menyembah Dia ... Kedaulatan Allah pernah muncul kepadaku sebagai kemuliaan-Nya yang besar. Telah menjadi sukacitaku untuk mendekati Tuhan, dan menyembah Dia sebagai Allah yang berdaulat.

~ Jonathan Edwards



Doa

Berterima kasihlah kerana Allah sudi hadir bersama dan Dia menguasai dan mengawasi hidup anda. Bersyukurlah kerana Tuhan berdaulat dalam hidup anda, Tuhan mengetahui dan melihat segalanya serta berupaya menguruskan semua demi kebaikan anda.

Tuhan Yang Maha Kudus





Ayat Mas Alkitab

"Tetapi hendaklah kamu menjadi kudus di dalam seluruh hidupmu sama seperti Dia yang kudus, yang telah memanggil kamu, sebab ada tertulis: Kuduslah kamu, sebab Aku kudus." (1 Petrus 1:15-16)



Kata-kata Mutiara

Kekudusan adalah prinsip kehidupan kekal -- satu awalan dari kehidupan kekal dalam hati, dan yang pastinya akan tumbuh menjadi kehidupan kekal. ~ Yeremia Burroughs



Aktiviti Bersama

"Hadiah Nobel Abad"

Tahun ini, Hadiah Nobel yang baru telah diperkenalkan yang dikenali sebagai "Nobel Abad". Ia dianugerahkan untuk menghargai seseorang yang patut dicontohi dan diteladani khususnya dalam abad ke-20 atau ke-21. Anda telah dipilih menjadi salah seorang ahli jawatankuasa pemilihan calon. Peranan anda ialah memilih seorang untuk menerima anugerah ini.

Bersama-sama dengan ahli kumpulan anda, senaraikan syarat-syarat kelayakan yang mestи dipenuhi oleh calon-calon yang bakal menerima penghargaan khusus "Nobel Abad" ini. Jurucakap kumpulan ceritakan siapa calon pilihan dan sebab-sebab mereka membuat pilihan tersebut.





Renungan Firman Tuhan

1. Baca Yesaya 6:1-7. Bincang dan catatkan apa yang anda fahami tentang kata-kata para serafim yang berseru “Kudus, kudus, kuduslah Tuhan”.

2. Apakah kaitannya dengan reaksi Yesaya?

3. Kenapa kita harus hidup kudus? (1 Petrus 1:13-16).

4. Apa yang anda mengerti tentang pernyataan Alkitab “Kuduslah kamu, sebab Aku kudus”? (1 Petrus 1:16)

5. Menurut anda, apa tanggungjawab yang kita ada sebagai bangsa kudus kepunyaan Allah? (1 Petrus 2:9)



Renungan Peribadi

Bincangkan dalam kumpulan apa dan bagaimana anda boleh hidup lebih suci dalam aspek-aspek berikut:

Pertuturan	
Cara berpakaian	
Perhubungan saya	

Pemikiran saya	
Sikap-sikap saya	
Apa yang saya baca dan tonton	
Apa yang saya buat pada masa lapang	

Setiap kumpulan bentangkan idea-idea mereka dan jika ada cadangan lain yang berguna, tambahkanlah pada senarai masing-masing.

Santapan Minda

Tidak ada jalan pintas menuju kekudusan. Tidak ada cara mudah untuk menawan daging. Karakter Kristian adalah satu hal pertumbuhan, bukan satu rahsia atau formula. Pertumbuhan memerlukan masa. Ia juga memerlukan disiplin doa, pembelajaran, mencari, kepekaan terhadap petunjuk Roh Kudus, dan ketataan yang konsisten. Ia harus bermula dengan kesyukuran untuk kasih karunia Tuhan yang tak berkesudahan, dan keyakinan bahawa kita telah dibebaskan berulang kali untuk hidup kudus.

~ John White.



Doa

Renungkan semua karakter Tuhan yang telah anda pelajari sepanjang 8 minggu ini. Bersyukurlah kepada Tuhan kerana Dia adalah Allah yang hidup yang kita sembah. Berdoalah agar Allah memberi anda kekuatan dan melengkapi anda, sebagai satu tubuh, supaya hidup lebih suci and berkenan kepada-Nya.

Panduan Pembimbing

Sesi 1: Tuhan Yang Maha Kekal



Objektif-Objektif Sesi

1. Menyedari bahawa kita bertumbuh dan berubah menurut peredaran waktu tetapi Allah tetap sama.
2. Dengan mengetahui bahawa Allah tidak berubah, maka kita dapat mempercayai dan menyerahkan segala aspek kehidupan kita kepada-Nya
3. Fikirkan salah satu karakter/sifat Allah yang tidak berubah yang amat bermakna bagi mereka.



Pencetus Minat

1. Suruh setiap orang duduk dalam satu bulatan dan menghadap ke dalam. Tujuan aktiviti ini ialah untuk membantu para belia menyedari bahawa kita semua berubah menurut peredaran waktu.
2. Beri sekeping kertas and pensel kepada setiap peserta.
3. Mereka harus menulis dua perkara di atas kertas masing-masing: mainan dan watak kartun yang paling mereka gemari ketika mereka berusia enam tahun. Jangan tulis nama mereka atas kertas tersebut.
4. Edarkan suatu bekas kosong. Suruh mereka lipat kertas masing-masing dan masukkannya ke dalam bekas itu.
5. Adukkkan kertas-kertas tersebut. Setiap orang akan mengambil sekeping tetapi pastikan mereka tidak mengambil kertas mereka sendiri.
6. Suruh setiap orang baca apa yang tertulis atas kertas itu dan teka siapakah yang telah menulisnya.
7. Setelah orang itu dikenalpasti, biar orang tersebut memberitahu ahli -ahli kumpulan apakah mainan dan watak kartun kegemarannya sekarang. Lebih seronok lagi jika orang yang memegang kertas itu meneka terlebih dahulu.



Interaksi

1. Anda akan dapati bahawa kita semua sudah berubah sejak berusia enam tahun.
2. Tunjukkan beberapa keping gambar lama para belia atau pemimpin gereja anda (termasuk diri anda sendiri!) ketika mereka lebih muda. Biar mereka teka siapakah wajah-wajah tersebut.

3. Setiap orang berubah, bukan hanya apa yang kita suka atau tidak suka tetapi juga rupa kita.
4. Kita turut berubah dalam sifat dan tingkah laku. Mungkin ada di kalangan kita yang nakal sekali ketika zaman kanak-kanak tetapi harap-harap, anda sudah berubah demi kebaikan. Mungkin ada yang dahulunya anak yang baik dan patuh, tetapi sekarang kuat memberontak.
5. Tetapi Allah berbeza. Dia adalah kekal dan tidak berubah-ubah, berlainan dengan kita.
6. Allah memiliki banyak lagi sifat-sifat sedemikian kerana Dia adalah Allah. Seringkali, kita mempunyai pandangan yang sempit tentang Allah.
7. Kita gagal melihat-Nya sebagaimana siapa diri-Nya yang sebenar – Allah yang agung, kekal, tidak terbatas, Mahakuasa dan banyak lagi.
8. Buku ini juga akan menolong anda meluaskan pandangan dan pemahaman tentang Allah supaya anda akan lebih mengetahui dan memahami Dia serta mengasihi-Nya dengan lebih mendalam lagi.



Aktiviti Bersama

1. Bahagikan mereka kepada kumpulan empat atau lima orang.
2. Biar mereka menulis apa yang dikatakan oleh ayat-ayat Alkitab yang diberi.
3. Kemudian suruh mereka kongsikan jawapan-jawapan mereka sesama sendiri dalam kumpulan masing-masing.



Renungan Firman Tuhan

A. Tak Berubah Karakter-Nya.

- a. Alkitab memberitahu kita bahawa Allah wujud sejak semula lagi dan Dia merupakan Pencipta segala yang ada. Semua yang dicipta-Nya akan berubah atau berakhir tetapi Dia tetap sama (Mazmur 102:25b-28)
- b. Maksudnya, Dia tidak pernah berubah langsung – Dia wujud selama-lamanya dan Dia tetap sama sepanjang masa. Tidak ada apa-apa yang dapat mengubah peribadi atau karakter Allah.
- c. Dia tidak akan menjadi kurang benar atau kurang mengasihi; Dia juga tidak akan bertambah adil atau menjadi lebih setia. Dia sememangnya segala itu dan akan tetap sama selama-lamanya.

- d. Anda tidak perlu khuatir kalau Allah akan berubah. Kebaikan, belas kasihan, kasih, kemurahan, keadilan-Nya adalah sama sebelum ini, sama sekarang dan tetap sama di masa hadapan.
- e. Oleh itu, tidak kira betapa baik atau jahatnya kita kelak, kasih sayang Allah tidak bertambah mahupun berkurangan.

Mazmur 11:7	Adil
Ulangan 7:9	Setia
1 Yohanes 3:3	Suci
Yeremia 3:12	Murah Hati
Mazmur 103:8	Pengasih
Mazmur 99:9	Kudus
Ayub 36:5	Perkasa
Wahyu 3:7	Benar
Ulagan 33:27	Abadi

Di bawah adalah jawapan-jawapan kepada carian kata.

A	B	C	D	E	F	G	H	I	J	K
G	M	U	R	A	H	H	A	T	I	L
F	H	I	A	J	K	L	I	M	D	M
E	H	X	N	A	D	C	T	N	A	N
D	I	W	E	D	E	K	E	O	B	O
C	S	V	B	I	B	U	S	P	A	P
B	A	U	N	L	F	D	B	Q	U	Q
A	G	T	O	M	G	U	A	R	V	R
Z	N	S	P	L	H	S	U	C	I	T
Y	E	R	Q	K	I	J	Y	T	X	U
X	P	E	R	K	A	S	A	W	V	K

B. Tak Berubah Kebenaran-Nya

- a. Kadangkala kita mengucapkan sesuatu yang tidak tulus atau

- sesuatu yang terpaksa kita tarik balik, samada ianya tidak benar atau kerana kita berubah pendapat.
- b. Kata-kata manusia tidak mantap tetapi tidak demikian dengan Allah.
 - c. Firman Tuhan selalu benar dan kekal selama-lamanya (Yesaya 40:6-8). Apa yang difikirkan atau diucapkan Allah, tidak berubah. Jadi Firman-Nya boleh dipercayai sepenuhnya.
 - d. Dengan itu, bila kita membaca Firman Tuhan dalam Alkitab, kita perlu ingat bahawa Allah masih menepati apa yang dikata-Nya – Janji-janji-Nya, amaran-amaran-Nya dan hukum-hukum-Nya sebagaimana yang ditafsirkan oleh Yesus.

C. Tak Berubah Rencana/Tujuan-Nya

- a. Seringkali kita merancang tetapi di pertengahan jalan, rancangan kita berubah kerana kita bertukar pendapat.
- b. Manusia semua berubah tetapi tidak demikian dengan Allah. Semua tujuan dan rancangan-Nya tidak berubah. Perubahan tidak perlu kerana Dia tahu, melihat dan dapat mengawal segalanya, baik yang terjadi di masa lalu, sekarang maupun masa depan.
- c. Tujuan Allah menyelamatkan umat manusia daripada dosa dan mengembalikan mereka ke pangkuhan-Nya tidak pernah berubah sepanjang sejarah dunia. Ini merupakan rancangan-Nya sejak permulaan dunia ini.
- d. Rancangan-Nya untuk mencipta anda semula menurut gambar Anak-Nya, Jesus Kristus tidak akan berubah. Dengan itu, Dia akan mengasihi dan mendisiplin anda seperti mana Dia mengasihi dan mendisiplin umat-Nya dahulu kala sehingga anda menjadi semakin menyerupai-Nya.
- e. Anda boleh memiliki keyakinan bahawa hidup dan masa depan anda selamat dalam tangan Allah. Dia akan menyempurna pekerjaan baik yang sudah dimulakan dalam hidup anda menurut masa yang ditentukan oleh-Nya.

Nota:

Terdapat beberapa kes dalam Alkitab yang mengatakan Allah menyesal, menukar fikiran lantas mengubah keputusan-Nya. Anda boleh merujuk kepada 2 Samuel 24:16 dan Yonah 3:10 sebagai contoh. Di sini tidak ada sebarang tanda bahawa tindak balas ini tidak dijangka atau merupakan kejutan bagi Allah. Dalam kes-kes sebegini, bukan tujuan Allah yang perlu berubah. Ia lebih kepada persediaan Allah dalam rancangan-Nya yang kekal yang merangkumi cara baru dalam penglibatan-Nya dengan umat-Nya.



Renungan Peribadi

1. Suruh mereka tetap dalam kumpulan masing-masing.
2. Lengkapkan 3 pernyataan yang diberi.
3. Minta mereka melukis sesuatu yang melambangkan sifat & karakter Tuhan yang menggambarkan sesuatu yang mantap, kuat dan tidak berubah.
4. Kemudian suruh mereka berkongsi sesama mereka objek yang telah dilukis dan apa yang mereka tuliskan.
5. Jika ada masa, suruhlah beberapa orang berkongsi dengan seluruh kumpulan apa yang telah mereka lukiskan.



Doa

1. Suruh mereka membentuk satu bulatan dan menghadap ke dalam.
2. Suruh mereka berdoa bergilir-gilir.
3. Gunakanlah lukisan-lukisan mereka sebagai tumpuan doa. Mereka boleh mengucap syukur dan memuji Allah atas ciri-ciri yang telah mereka tulis malah apa sekalipun yang ingin mereka lafazkan/ luahkan kepada Allah.
4. Kemudian, akhiri sesi dengan memohon agar hadirat Allah dan kebenaran-Nya menjadi suatu realiti dalam kehidupan mereka yang tengah belajar mempercayai serta beriman kepada Dia.

Sesi 2: Tuhan Yang Maha Bijaksana



Objektif-Objektif Sesi

1. Memahami bahawa hikmat melibatkan penggunaan akal untuk memilih dan mengambil tindakan yang betul dan baik.
2. Mengetahui bahawa Allah-lah yang menjadi sumber dan pemberi segala hikmat.
3. Menyedari bahawa hikmat Allah sentiasa berlangsung dalam cara-cara yang menghasilkan kebaikan kepada kita walaupun kita tidak memahaminya.
4. Memikirkan bagaimana Allah melangsungkan hikmat-Nya dalam kehidupan mereka.




Pencetus Minat


Aktiviti ini bertujuan merangsang para belia supaya berfikir secara kreatif.

1. Bahagikan mereka berpasangan.
2. Beri setiap pasangan sekurang-kurangnya 24 batang mancis atau pencungkil gigi.
3. Jelaskan bahawa ini merupakan satu pertandingan. Pasangan yang paling cepat menyelesaiannya adalah pemenang.
4. Ada tiga pertanyaan untuk mereka. Bila anda memberikan jawapan, lukis setiap lakaran di atas papan lukis sambil menghuraikannya.

Soalan 1: Susun 17 batang mancis atau pencungkil gigi seperti yang ditunjukkan dalam Rajah 1. Alikan 5 batang supaya hanya tinggal tiga empat persegi.




Rajah 1




Penyelesaiannya

Soalan 2 : Susun 16 batang mancis atau pencungkil gigi seperti yang ditunjukkan dalam Rajah 2. Tambah 8 batang supaya membahagikan lakaran tersebut kepada empat bahagian yang sama saiz dan bentuk.




Rajah 2




Penyelesaiannya

Soalan 3: Susun 24 batang mancis atau pencungkil gigi seperti yang ditunjukkan dalam Rajah 3. Alihkan 8 batang supaya hanya tinggal 2 empat persegi.



Rajah 3



Penyelesaiannya



Interaksi

1. Semua jenis teka-teki biasanya memerlukan penggunaan akal untuk menyelesaiannya.
2. Adakah anda memerlukan kepandaian untuk menyelesaiannya? (Beri mereka peluang berbincang.)
3. Apa yang dianggap sebagai kepandaian? (Beri mereka peluang berbincang.)
4. Bagaimana dengan bijak atau berhikmat? Adakah ia sama dengan kepandaian? Jika anda pandai, adakah anda dianggap bijak juga? (Beri mereka peluang berbincang.)
5. Pandai tidak sama dengan bijak atau berhikmat. Kepandaian merujuk kepada kecekalan otak, iaitu dapat belajar dengan cepat atau memahami dengan pantas.

6. Bijak atau berhikmat pula melebihi kepandaian atau kecekalan otak.
7. Alkitab mengatakan Allah adalah bijak dan takut akan Allah adalah permulaan hikmat. Apakah maksud Alkitab yang mengatakan Allah adalah bijak?



Aktiviti Bersama

Suruh mereka baca dan tuliskan apa yang mereka mengerti tentang hikmat seperti yang dinyatakan oleh ayat-ayat Alkitab tersebut.

Apakah hikmat?

- a. Alkitab memberitahu kita bahawa hikmat melibatkan, bukan sahaja pengetahuan tetapi juga pemahaman. Ia merupakan pemahaman tentang apa yang benar dan adil dan baik.
- b. Jadi, menjadi bijak atau berhikmat melibatkan lebih daripada kepandaian dan pengetahuan. Menurut Alkitab, seseorang yang benar-benar bijak, perlu menggunakan kepandaianya untuk memahami dan memilih apakah yang benar, adil dan baik.
- c. Alkitab memberitahu kita bahawa hanya dalam Allah sahajalah anda akan menemui hikmat sejati. Allah merupakan sumber dan juga penganugerah hikmat.
- d. Hikmat Allah tertunjuk ketika Dia menciptakan langit dan bumi.
- e. Hikmat Allah juga turut kelihatan dalam kehidupan umat-Nya bila Dia membantu kita membesar dalam mengenali Dia dan menjadi semakin menyerupai-Nya. Itulah tujuan unggul Allah bagi kehidupan anda – mengubah anda supaya semakin menyerupai Yesus agar anda dapat mengenali dan mengasihi Dia sebagaimana yang diingini-Nya sejak Dia mencipta anda dulu.



Renungan Firman Tuhan

Biar mereka selesaikan tugasan tentang enam musim dalam kehidupan Yusuf.

Kejadian 37:1-11

Kejadian 37:12-28

Kejadian 39:1-20

Kejadian 39:21-23, 40:23-41:1a

Kejadian 41:37-46

Kejadian 45:1-15

A. Hikmat Allah Berbeza Dengan Kebijaksanaan Anda

- i. Apakah peribadi Yusuf semasa dia masih muda? Perhatikan cara Allah bekerja dalam kehidupan Yusuf – adakah

- pengalamannya lancar? (Beri mereka peluang berbincang.)
- ii. Dia tidak diterima oleh saudara-saudaranya dan dijual menjadi hamba. Bila keadaan seakan-akan bertambah baik di istana Potifar, dia dimasukkan dalam penjara pula. Malah ketika itu, bila dia berkemungkinan dibebaskan dari penjara, pengurus minuman lupa akan dia.
 - iii. Tetapi di akhir segala pengalaman peritnya, Yusuf masih dapat mengenalpasti penglibatan Allah dalam hidupnya dan menyedari bahawa segala-gala yang sudah terjadi merupakan sebahagian daripada rencana Allah (rujuk kepada Kejadian 45:5).
 - iv. Allah dalam hikmat-Nya, membernarkan kesukaran-kesukaran untuk menguji, mengubah dan mematangkan Yusuf agar dia belajar mempercayai Allah dengan sepenuhnya.
 - v. Allah akan menggunakan cara-cara yang berbeza daripada cara-cara anda kerana Dia melihat gambaran keseluruhannya tentang kehidupan anda dan Dia dengan sabar, bekerja demi kebaikan anda. (*Suruh mereka baca bersama-sama Yesaya 55:8 -9.*)

B. Hikmat-Nya Demi Kebaikan Anda

- i. Apakah peribadi Yusuf pada akhirnya? Allah menggunakan cara-cara-Nya yang ajaib untuk mengubah Yusuf menjadi seorang yang berbeza. Dia tidak lagi sombang dan angkuh. Dia berupaya mengampuni adik-beradiknya walaupun mereka telah melayaninya dengan teruk; dia dapat mempercayai dengan sepenuhnya rencana-rencana Allah dalam hidupnya dan menyedari bahawa segala kesukaran yang dilaluinya bukan sahaja menyelamatkan ahli-ahli keluarga daripada kebuluran, tetapi juga melayani Allah dengan hebat dalam bangsa Mesir.
- ii. Hikmat Allah akan mengerjakan segala sesuatu bukan sahaja demi kebaikan anda tetapi juga untuk kebaikan mereka yang akan berdampingan dengan anda kelak.
- iii. Anda mungkin tidak dapat memahami apa yang dilakukan oleh Allah dalam hidup anda sekarang. Yusuf juga tidak faham ketika dia melalui pengalaman-pengalaman pahit itu. Tetapi seperti Yusuf, anda perlu mempercayai bahawa Allah adalah maha bijak. Dia tahu apa yang sedang dilakukan-Nya untuk diri anda dan juga dalam diri anda walaupun anda tidak dapat mengenali pastikannya saat ini.
- iv. Tujuan Allah ialah supaya anda mendekati Dia, bergantung kepada-Nya dan mempercayai-Nya. Rencana-Nya pasti demi kebaikan anda.

C. Hikmat-Nya Bertujuan Mengajar Anda Menakuti-Nya

- i. Dalam Yakobus 1:5, Alkitab mengatakan bahawa sesiapa yang kekurangan hikmat, hendaklah dia memintanya daripada Allah, dan Allah akan menganugerahkannya. Hikmat yang sebagaimanakah yang akan dianugerahkan oleh Allah kepada anda?
- ii. Suruh mereka bukakan Alkitab kepada Amsal 9:10 dan suruh mereka membacanya bersama-sama. Inilah yang terjadi kepada Yusuf. Sepanjang jalan, dia belajar takut pada Allah dan menyerahkan hidupnya ke dalam tangan Allah. Dia menyedari bahawa segala-gala yang berlaku di seluruh dunia termasuk hidupnya, adalah dalam kawalan dan pengawasan Allah.
- iii. Hanya jika anda belajar takut akan Allah, belajar mengagumi kebesaran dan kebijaksanaan-Nya, maka anda akan menjadi rendah hati serta dapat diajar.
- iv. Anda akan mula menyedari betapa kecil dan remehnya anda. Anda tidak akan berbangga akan diri sendiri ataupun menganggap diri anda begitu pandai dan lupukan Allah.
- v. Itulah permulaan hikmat atau kebijaksanaan. Kemudian, Allah dengan perlahan-lahan akan mengajar anda menjadi bijak seperti Dia.



Renungan Peribadi

Galakkan mereka untuk merenung apa yang telah dipelajari, dan bagaimana mereka dapat terapkan itu dalam kehidupan mereka.



Doa

Suruh mereka secara peribadi menghadap Allah dan mengucapkan syukur kepada Dia atas hikmat-Nya dalam segala yang sedang Dia lakukan dalam hidup mereka masing-masing walaupun sukar untuk melaluinya.

Kemudian, akhiri sesi ini dengan berdoa agar Allah akan mengurniakan kepada para belia anda suatu kesukaan sambil mereka belajar menyerahkan keadaan-keadaan dan masalah-masalah mereka yang sukar ke dalam tangan-Nya. Doakan agar Allah akan menganugerahkan hikmat-Nya agar mereka akan semakin takut akan Allah dan hidup dengan penuh rendah hati serta sentiasa mematuhi-Nya.

Sesi 3: Tuhan Yang Maha Agung



Objektif-Objektif Sesi

1. Menyedari bahawa pandangan dan fikiran kita tentang Allah adalah cetek dan sempit dan kita sering menilai-Nya menurut syarat-syarat manusiawi.
2. Menyedari bahawa kita perlu memperbaharui minda kita tentang kebesaran dan keagungan Allah.
3. Merenung dan memikir dengan mendalam beberapa sifat Allah yang menonjolkan kebesaran-Nya.



Aktiviti Bersama Khazanah Kata

- i. Beri beberapa keping kertas dan beberapa batang pensel kepada
- ii. Tulis tajuk ini di atas papan tulis: "Siapa yang Terhebat?"
- iii. Jelaskan bahawa mereka diberikan masa 3 minit untuk membentuk seberapa banyak patah perkataan dengan menggunakan huruf-huruf dalam tajuk tadi. Perkataan yang dibentuk mestilah sekurang-kurangnya terdiri daripada tiga huruf.
- iv. Berikan satu markah bagi setiap perkataan yang dieja dengan betul. Tolak satu markah jika salah ejanya. Mungkin baik jika anda sediakan sebuah kamus untuk membuat rujukan.



Interaksi

1. Tanya mereka, "Apakah perasaan mereka menjadi juara kumpulan?" (Beri mereka peluang menyatakan pendapat masing-masing.)
2. Kemudian suruh mereka berikan nama beberapa orang yang hebat dalam bidang-bidang seperti sukan, perfileman, muzik, sains dsb.
3. Berapa di antara anda yang mahu melakukan sesuatu yang hebat atau menjadi seorang yang hebat kelak? (Beri mereka peluang berkongsi.) Ramai orang, khasnya ketika mereka masih kecil, mempunyai keinginan atau cita-cita mencapai sesuatu yang hebat atau menjadi seorang yang hebat.
4. Tetapi tidak kira berapa hebatnya seseorang itu kelak, dia tidak dapat menandingi kehebatan Allah. Alkitab menggunakan satu patah perkataan untuk menghuraikan kehebatan Allah – 'keagungan'. 'Keagungan' berasal daripada perkataan Latin yang bermakna 'kehebatan.'
5. Kita tahu bahawa Allah adalah Allah yang agung. Kita menyanyikan lagu-lagu pujian tentang keagungan-Nya setiap masa. Tetapi seringkali, pandangan dan fikiran kita tentang Allah amat cetek

- dan sempit.
6. Oleh sebab kita selalu memikirkan Allah sebagai Tuhan yang mengasihi kita dan berhubungan dengan kita, maka kita telah menjadikan Allah seumpama diri kita sendiri, seperti manusia dan terbatas.
 7. Itu bukanlah Allah dalam Alkitab. Allah tidak terbatas seperti kita. Dia adalah kekal, tidak terhad, Maha Kuasa, agung dan hebat.



Renungan Firman Tuhan

Setelah mereka selesai tugasan, Ringkaskan seperti berikut:

Bagaimana anda dapat membentuk pandangan dan fikiran yang benar tentang keagungan Allah?

A. Bandingkan Allah Kepada Apa Yang Anda Fikir Adalah Hebat

1. Dalam Yesaya 40, Allah menyeru anda supaya membandingkan Dia dengan apa yang akan lihat dalam alam semesta. Menurut Allah, tiada apa-apa yang dapat menandingi-Nya.
2. Lihatlah dunia ini. Ia merupakan suatu tempat yang begitu luas dengan penduduk berbilion orang. Tidakkah anda merasa amat kecil dan remeh bila berbanding dengan planet ini yang begitu besar dan luas? Namun Allah mengatakan bahawa Dia-lah yang telah mencipta dunia ini (ayat 12) dan manusia umpsama belalang (ayat 22). Manusia tampak kerdil berbanding dengan dunia tetapi berbanding dengan Tuhan, dunia begitu kecil sekali!
3. Lihatlah bintang-bintang. Tidakkah anda merasa kecil dan remeh setiap kali anda melihat bintang-bintang di langit yang berjumlah berjuta-juta bertaburan di seluruh carakerawala? Namun Allah mengatakan bahawa Dia-lah yang telah mencipta ke semuanya dengan kuasa-Nya dan memberikan nama kepada setiap satu (ayat 26)!
4. Lihat pada bangsa-bangsa dalam dunia ini. Orang ramai takut akan bangsa-bangsa besar dengan tentera mereka yang kuat dan sumber-sumber mereka yang banyak. Namun menurut Allah, bangsa-bangsa ini seperti setitik air dalam timba (ayat 15)!
5. Lihat pada pemerintah-pemerintah bangsa-bangsa atau watak-watak hebat dunia ini. Mereka mungkin kaya raya atau berkuasa memerintah dan membuat keputusan bagaimana dunia harus ditadbir. Tetapi dalam pandangan Allah, mereka tidak sebesar atau sekuat mana; Allah berupaya memecat atau menyingkir mereka dengan begitu sahaja (ayat 23-24).

6. Hanya bila anda membandingkan semua hal yang dianggap hebat dan besar ini dengan Allah, baharulah anda menyedari bahawa Allah jauh melebihi dan mengatasi segala-galanya. Tidak ada apa-apa langsung yang dapat dibandingkan dengan Allah!

B. Perbaharui Minda Anda Dengan Memupuk Pandangan Dan fikiran Yang Hebat Tentang Allah

1. Pandangan dan pemikiran kita tentang Allah begitu manusiawi sekali – kita menganggap Dia sebagai kawan dan dengan itu membati fikiran dan pandangan kita terhadap keagungan dan kebesaran Allah yang sebenarnya.
2. Kita harus mempelajari semula dan memahami betapa agung dan besarnya Allah kita. Langkah pertama ialah menyedari bahawa hikmat, kuasa dan keagungan-Nya tiada batasan. Suruh mereka berikan beberapa contoh sifat Allah. Dia adalah Allah yang kekal, Maha Mengetahui, Maha Kuasa dan Maha Hadir.
3. Satu-satunya cara ialah dengan berlatih merenungi apa yang dikatakan oleh Firman Tuhan tentang Allah.
4. Buku Mazmur dan Buku Yesaya bab 40 serta seterusnya, merupakan bahagian-bahagian permulaan yang bagus.
5. Lihat apa yang dikatakan oleh penulis-penulis Mazmur dan Yesaya tentang siapa Allah dan segala kerja-kerja-Nya yang agung; lihat apa yang dikatakan tentang hubungan Allah dengan anda, bagaimana Dia sentiasa menyertai anda dan bagaimana Dia sudah pun mengenali anda jauh sebelum anda dilahirkan.
6. Renungi atau fikirkan dengan mendalam apa yang diajar oleh Alkitab tentang keagungan dan kehebatan Allah. Dan Allah akan mula mengubah cara pemikiran anda tentang Dia. Dia akan membimbing anda untuk semakin memahami keagungan dan kemuliaan-Nya.



Renungan Peribadi

Marilah Mengisyiharkan Keagungan-Nya

(Persediaan: kertas mahjong, pen marker/krayon)

1. Suruh mereka baca Yesaya 40:9-31 sekali lagi.
2. Tampalkan dua keping kertas mahjong pada dinding bilik. Tuliskan dua tajuk, satu tajuk pada sekeping kertas itu:

*Allah Lebih Besar / Hebat Daripada
Betapa Agung / Hebatnya Allah!*

3. Kemudian lantik seorang jurutulis untuk mencatatkan semua perkara yang mereka temui dalam bahagian ini tentang keagungan dan

kebesaran Allah.

4. Suruh mereka melakukan dua perkara:

- a. Atas kertas pertama, *Allah Lebih Besar/Hebat Daripada ...*, suruh mereka tampil ke hadapan dan tulis satu atau dua perkara yang mereka anggap hebat. Ia mungkin mengenai orang, atau tempat, atau nama-nama bintang, dsb. Ini merupakan pengesahan mereka bahawa Allah adalah lebih besar/hebat daripada apa yang mereka tulis itu.
- b. Atas kertas kedua, *Betapa Agung/Hebatnya Allah!*, suruh mereka tulis dengan menggunakan huruf besar, seberapa banyak sifat/karakter Allah yang dapat mereka temui dalam Yesaya 40:9-31.



Doa

1. Minta mereka bentukkan satu bulatan. Suruh mereka ambil giliran memuji Allah akan kebesaran-Nya. Mereka boleh menggunakan huraian-huraian yang sudah mereka catatkan pada kertas *Betapa Agung/ Hebatnya Allah!* Sebagai doa mereka.
2. Anda boleh mengakhiri sesi dengan berdoa mengucap syukur kepada Allah kerana mengajar mereka tentang keagungan dan kehebatan-Nya. Doakan mereka setiap orang supaya semakin matang dalam pemikiran mereka tentang Allah dan akan semakin memahami betapa agung dan hebatnya Allah.
3. Akhiri sesi dengan para belia menyembah Allah dengan menggunakan beberapa lagu berkaitan dengan keagungan dan kebesaran Allah.



Aktiviti Tambahan

Anda juga boleh menyuruh para peserta menyiapkan sepaduk kain bertemakan keagungan dan kebesaran Allah. Mereka boleh mengerjakan projek ini dalam kumpulan-kumpulan kecil atau sebagai satu kumpulan besar. Tidak perlu menggunakan bahan-bahan yang mahal; suruh mereka gunakan kreativiti mereka dan pakai apa sahaja mereka temui. Judul-judul seperti *Tuhan Adalah Allah Yang Hebat*, *Tuhan Ditinggikan Atas Segala Bangsa-bangsa*, dsb boleh digunakan.

Sesi 4: Tuhan Yang Maha Baik



Objektif-Objektif Sesi

1. Memahami bahawa Allah penuh belas kasihan dan kemurahan terhadap umat-Nya walaupun mereka sudah berdosa.
2. Mengetahui bahawa Allah amat menitikberatkan mereka yang menderita atau yang memerlukan pertolongan.
3. Berterima kasih atas kasih dan kemurahan Allah terhadap diri masing-masing walaupun mereka sudah berdosa.
4. Mengambil langkah-langkah ke arah menunjukkan belas kasihan dan kemurahan kepada mereka yang keperluan.



Pencetus Minat

Tujuan aktiviti ini ialah untuk menumpukan perhatian para peserta kepada penderitaan-penderitaan serta keperluan-keperluan manusia yang dilaporkan dalam suratkhabar.

1. Bahagikan para peserta kepada empat atau lima orang ahli sekumpulan.
2. Sebelum sesi, sediakan satu set kad Bingo bagi setiap kumpulan. Gunakan kad manila bagi setiap keping kad dan tuliskan kategori-kategori yang tercatat pada rajah di bawah.

Laporan-laporan Yang Diperlukan			
Kemiskinan	Kebuluran	Rompakan	Jenayah Seks
Pembunuhan	Penipuan	Peperangan	Kekejaman
Kemalangan	Kematian	Penderitaan	Ketidakadilan

3. Berikan suratkhabar, gunting, gam dan satu set kad kepada setiap kumpulan.
4. Jelaskan bahawa mereka perlu gunting laporan-laporan surat khabar yang mengandungi contoh-contoh dalam semua kategori yang tercatat pada kad Bingo mereka. Kemudian mereka harus tampilkan laporan tersebut pada kad masing-masing.
5. Kumpulan yang paling cepat menyiapkan tugasannya ialah pemenang. Suruh mereka jerit "Bingo" sebaik sahaja mereka selesai.
6. Hadkan masa 5 – 10 minit. Jika di akhir 10 minit masih tidak ada kumpulan yang menjerit "Bingo", pemenang merupakan kumpulan yang mempunyai paling banyak kategori dengan laporan

- tertampal pada kad bingo mereka.
7. Setiap kumpulan kemudiannya melantik jurucakap (dia yang mempunyai senyuman paling manis!) untuk memberi huraian singkat tentang laporan-laporan mereka.



Aktiviti Bersama

1. Sediakan sebanyak mungkin laporan atau cerita tentang pelbagai penderitaan daripada suratkhabar. Cerita/laporan mungkin tentang pembunuhan, rompakan, mangsa dera, bencana alam dan sebagainya.
2. Lipatkan laporan atau cerita tersebut dan masukkan ke dalam sebuah bekas.
3. Bahagikan para peserta kepada beberapa kumpulan kecil.
4. Minta mereka mengambil sekeping kertas daripada bekas yang diedarkan dan bincangkan dengan jujur kajian kes tersebut serta apa yang akan mereka lakukan dalam kumpulan masing-masing.
5. Beri mereka waktu selama 5-10 minit. Kemudian setiap kumpulan akan menghantar seorang wakil untuk keluar dan baca kajian kes masing-masing dan kongsikan apa yang sudah mereka bincang tadi.
6. Bila semua selesai, langsung ke bahagian Renungan Firman Tuhan.



Renungan Firman Tuhan

1. Apakah yang akan Allah lakukan?

Suruh mereka merujuk kepada bahagian-bahagian Alkitab di bawah.

Kemudian tanya pendapat mereka tentang tindakbalas Allah terhadap keadaan yang dibacakan tadi.

- | | |
|--------------------------|-----------------------|
| * Kumpulan Kajian Kes #1 | - Hakim-hakim 2:16-19 |
| * Kumpulan Kajian Kes #2 | - Yohanes 8:1-11 |
| * Kumpulan Kajian Kes #3 | - Matius 14:13-21 |
| * Kumpulan Kajian Kes #4 | - Imamat 25:35 – 38 |

Alkitab berulang-ulang kali memberitahu kita bahawa Allah adalah Allah yang bermurah hati, tidak cepat naik marah dan penuh dengan kasih sayang terhadap kita. Allah menyatakan kasih-Nya kepada siapa?

2. Dia Menunjukkan Kasih-Nya Kepada Kita Walaupun Kita Orang Berdosa

- a. Dalam Hakim-hakim 2, umat Allah asyik berdosa terhadap Allah. Sesiapa pun akan naik marah dengan layanan sebegitu tetapi Allah tidak.

- b. Allah mengasihani mereka dan bersimpati atas penderitaan yang mereka terima daripada musuh-musuh lalu Allah mengutus hakim-hakim untuk membantu mereka.
- c. Mazmur 103 mengatakan bahawa Allah memahami anda dan tahu betapa cenderungnya anda berdosa. Tetapi oleh sebab Dia merupakan Allah yang bermurah hati. Dia tidak cepat marah dan tidak akan berhenti mengasihi anda. Satu-satu keinginan-Nya ialah agar anda mengasihi dan takut kepada Dia.
- d. Dalam kemurahan hati-Nya, Allah tidak melayani anda menurut tuntutan dosa anda. Jadi, bila anda tidak dilayani dengan baik, anda tidak patut balas dengan cara yang sama! Anda sepatutnya balas dengan kasih dan kemurahan hati seperti Allah.
- e. Anda dapat melihat dalam Alkitab bahawa Allah selalu bermurah hati dan mengasihi mereka yang menderita dan dalam keperluan. Dalam Perjanjian Lama, Allah mengatakan dalam hukum-hukum-Nya bahawa bangsa Israel mesti selalu menjaga mereka yang mempunyai keperluan – yang miskin, yatim piatu, janda-janda dan orang-orang asing. Dia mengingatkan umat Israel bahawa demikianlah keadaan mereka ketika di Mesir dulu dan Allah telah menjadi Penjaga mereka. Oleh itu, mereka harus memberi layanan yang sama kepada mereka yang mempunyai keperluan.

Dalam Perjanjian Baru, anda juga dapat melihat tindakbalas Yesus terhadap mereka yang keperluan. Dalam Yohanes 8, Yesus berbelas kasihan terhadap perempuan itu walaupun orang lain bersedia menjatuhkan hukuman atas dosa-dosanya.

- f. Dalam Matius 14, Yesus mengasihani mereka yang sakit dan menderita dan menyembuhkan mereka. Tambahan lagi, bila mereka lapar, Dia tidak terus menghantar mereka pulang tetapi sebaliknya memberi mereka makan terlebih dahulu. Allah amat menitikberatkan, khasnya mereka yang menderita atau keperluan dan Dia selalu bertindak untuk membantu mereka. Oleh sebab anda sudah mengalami sendiri, kasih dan kemurahan hati Allah, maka Dia bersuru kepada anda supaya memperlakukan hal yang sama kepada mereka yang keperluan.



Renungan Peribadi

Allah yang merupakan Allah yang bermurah hati, Dia menyeru anda supaya bermurah hati juga seperti Dia. Galakkan para peserta untuk memikirkan kepada siapa dan bagaimana mereka boleh menunjukkan kemurahan hati.



Doa

Galakkan mereka untuk berdoa dan serahkan kepada Tuhan apa yang sudah mereka tuliskan di bahagian Renungan Peribadi. Beritahu mereka bahawa Tuhan berkenan bila umat-Nya berusaha mencontohi-Nya. Suruh mereka berdoa untuk meminta Tuhan membantu mereka menunjukkan kasih dan kemurahan hati kepada orang lain.

Beritahu mereka bila pulang nanti, ambillah tindakan itu. Jadilah pelaku, bukan hanya mendengar.

Sesi 5: Tuhan Yang Maha Adil



Objektif-Objektif Sesi

1. Menyedari bahawa Allah adalah Hakim yang adil yang mengadili kedua-dua fikiran dan tindakan semua orang.
2. Memahami bahawa pada Hari Pengadilan Allah akan mengadili umat manusia menurut apa yang sudah mereka lakukan.
3. Menilaikan cara hidup mereka supaya hidup benar dan berkenan pada Allah.



Pencetus Minat

Permainan ini adalah untuk menguji kumpulan mana yang berjaya meneka perkataan yang ditentukan sebelum mereka dijatuhkan hukuman ‘gantung’.

1. Persediaan


- a. Bahagikan mereka kepada empat atau lima orang sekumpulan. Suruh mereka namakan kumpulan masing-masing dan lukis carta markah pada papan tulis.
- b. Jika hanya ada dua kumpulan, mereka boleh menentukan senarai perkataan-perkataan. Anda mungkin perlu menyediakan beberapa keping kertas dan batang pensel bagi mereka.
- c. Jika terdapat lebih daripada dua kumpulan, lebih senang jika anda yang menyediakan senarai perkataan-perkataan yang terdiri daripada enam atau lebih huruf. Pastikan perkataan-perkataan yang dipilih sesuai dengan kemahiran bahasa mereka. Berikan nombor pada senarai itu dan tulis nombor-nombor tersebut atas papan tulis.

2. Peraturan

- a. Biar mereka pilih sepatah perkataan dengan menjerit salah satu nombor yang tercatat pada papan tulis.
- b. Sebaik sahaja kumpulan itu sudah memilih perkataan mereka, lakarkan berapa tempat kosong yang harus diisi. Sebagai contoh, jika perkataan yang dipilih ialah ‘peperiksaan’ yang terdiri daripada sebelas huruf, maka lakarkan 11 tempat kosong untuk diisi. Kemudian suruh mereka lakarkan tempat hukuman ‘gantung’ seperti yang tertera di bawah.



Tempat gantung



Orang yang digantung



Lukisan muka

- c. Jika lebih daripada dua kumpulan, mungkin lebih senang jika pengajar sendiri yang membuat catatan markah dan lakaran tempat hukuman.
- d. Seterusnya, ahli-ahli kumpulan akan mengambil giliran meneka satu huruf demi satu huruf.
- e. Setiap kali huruf yang diberi bukan sebahagian ejaan perkataan tersebut, pencatat markah akan teruskan lakaran hukuman 'gantung'. Setiap tekaan yang salah, satu bahagian lakaran dilukis. Satu untuk kepala, kemudian tubuh, tangan (2), kaki (2), mata (2), hidung dan mulut. Jadi, kumpulan hanya mempunyai 10 kali cubaan.
- f. Setiap tekaan yang betul akan ditulis pada tempat kosongnya yang betul.
- g. Pada bila-bila masa permainan, ahli kumpulan boleh meneka perkataan penuh bila tiba gilirannya. Jika tekaan itu betul, maka mereka mendapat satu markah tetapi jika salah, mereka dijatuhkan hukuman 'gantung' dan hilang giliran.
- h. Ahli-ahli kumpulan tidak dibenarkan berbincang antara satu sama lain (supaya lebih mencabar). Setiap giliran dibenarkan meneka satu huruf saja.



Aktiviti Bersama

Bahagikan mereka kepada beberapa kumpulan. Biar mereka berbincang tentang kes-kes mahkamah yang mereka tonton atau dengar. Apabila mereka selesai, simpulkan:

Hakim dunia (iaitu manusia) hanya dapat mengadili menurut pendapatnya tentang apa yang sudah dilakukan oleh tertuduh. Malangnya, bukan semua hakim dunia ini seadil undang-undang yang mereka mahu pastikan orang lain patuhi!



Renungan Firman Tuhan

A. Pengenalan

1. Dalam permainan tadi, hukuman ‘gantung’ dijatuhkan jika anda tidak berjaya menjawab dengan betul. Adakah anda tahu mana-mana keadaan lain yang dijatuhkan hukuman gantung hari ini? (*Beri peluang mereka berbincang.*)
2. Di Malaysia dan beberapa negara lain, jenayah-jenayah tertentu masih dijatuhkan hukuman gantung. Sesetengah negara menggunakan suntikan untuk membunuh; sesetengah yang lain seperti Malaysia, hukuman gantung sampai mati dikenakan. Siapakah yang akan menjatuhkan hukuman? (*Beri peluang mereka berbincang.*)
3. Bergantung pada sistem perundangan negara itu, hakim atau ada kalanya pihak juri akan menentukan sama ada tertuduh bersalah dan hukuman apa yang patut dikenakan.
4. Tahukah anda bahawa Alkitab mengatakan Allah juga bertindak sebagai hakim? Seringkali kita mendengar bahawa Allah adalah baik dan pengasih; berperanan sebagai bapa, kawan atau yang sentiasa bersedia mengampuni setiap kali anda melakukan kesalahan. Tidak berapa kerap anda diberitahu bahawa Allah akan menghakimi kesalahan-kesalahan anda.
5. Sepanjang Perjanjian Lama dan Baru, Alkitab menekankan peranan Allah sebagai Hakim. Allah bertindak sebagai Hakim sejak mula lagi ketika Dia mengutus Adam dan Hawa keluar Taman Eden. Dan Dia akan berterusan sampai akhirnya. Dia akan mengadili semua umat manusia.
6. Sesi ini akan membantu anda memahami peranan Allah sebagai Pengadil kita dan tindakbalas anda yang sepatutnya sebagai umat Allah.

B. Allah Maha Adil

1. Mengapa Allah Mengadili

- a. Tanya pendapat mereka tentang tugas-tugas dan tanggungjawab seseorang hakim dalam mahkamah.
- b. Seseorang hakim merupakan orang yang berkuasa memutuskan apa yang benar atau adil mengikut undang-undang negara tersebut.
- c. Begitu juga dengan Allah. Yang berbeza ialah undang-undang yang diikuti-Nya adalah undang-undang Allah sendiri. Oleh sebab Allah-lah yang mencipta dan memiliki kita, maka Dia berhak mengatur undang-undang dan hukum-hukum-Nya bagi kita; baik sebagai ganjaran maupun hukuman.

- d. Suruh mereka merujuk kepada Mazmur 7:12 dan Wahyu 15:3b-4. Minta seorang membaca ayat-ayat tersebut. Alkitab memberitahu kita bahwa Allah adalah Hakim yang benar. Dia adil dan kudus. Kejahatan dan dosa harus dihukum. Kebaikan harus diberi ganjaran.
- e. Jika Allah tidak mengadili antara yang baik dengan yang jahat, maka Dia bukanlah Allah. Bagaimana kita diadili oleh Allah?

2. Apa Yang Allah Adili

a. Allah Mengadili Fikiran Kita

- i. Sebab Allah Maha Mengetahui dan Maha Berkuasa, tidak ada apa-apa yang terselindung daripada-Nya (Ibrani 4:13). Dia melihat dan mengetahui segala-galanya, malah apa yang tersembunyi dalam hati dan batin kita (Yeremia 17:10).
- ii. Alkitab memberitahu kita bahawa Allah akan mengadili kita menurut apa yang difikirkan dalam hati dan minda.
- iii. Bagaimana fikiran anda, begitulah peribadi anda. Yesus mengatakan, orang yang baik menghasilkan buah yang baik yang tersimpan dalam dirinya. Begitu juga, orang yang jahat, mengeluarkan buah yang jahat yang tersemat dalam dirinya (Matius 12:35-37). Kita semua akan diadili menurut apa yang tersimpan dalam hati dan minda kita.
- iv. Oleh itu, anda harus berwaspada terhadap apa yang kita fikirkan. Anda perlu memastikan supaya apa yang difikirkan dan direnungi adalah yang murni dan baik. Rujuk kepada Filipi 4:8 dan minta salah seorang membacanya.
- v. Orang mungkin tidak tahu betapa jahat atau najisnya pemikiran anda, tetapi Allah mengetahuinya.

b. Allah Mengadili Tindak Laku Kita

- i. Sebagai orang Kristian, dosa-dosa kita sudahpun diampuni dan Allah telah menerima kita sebagai anak-anak-Nya. Namun, Alkitab memberitahu kita bahawa pada Hari Pengadilan kelak, Allah tetap akan mengadili corak kehidupan kita.
- ii. Kita tidak lagi dilayan sebagai orang berdosa, tetapi oleh sebab Allah akan mengadili semua orang, Dia masih akan mengadili hasil perbuatan kita sama ada baik atau jahat dan membala dengan selayaknya (2 Korintus 5:10).
- iii. Hasil perbuatan andalah yang akan membuktikan apa yang terkandung dalam hati anda. Perbuatan anda tidak akan melayakkan anda mendapat hidup kekal kerana Yesus sudah pun menyelesaikan isu hukuman dosa. Tetapi perbuatan anda akan menunjukkan sejauh mana anda benar-benar mengasihi

Allah.

- iv. Kadang-kadang anda mendapati orang yang tidak jujur atau adil terlepas daripada balasan. Malah, mereka kelihatan menikmati hidup yang lebih baik daripada mereka yang berusaha hidup benar dan adil.
- v. Alkitab memberitahu kita bahawa tidak semestinya pengadilan dilaksanakan dengan serta-merta. Tetapi, pada Hari Pengadilan kelak, Allah pasti akan mengadili setiap perbuatan yang dilakukan oleh setiap orang.
- vi. Jadi, anda diseru menjalani hidup yang menunjukkan bahawa anda adalah anak Allah dan anda mengasihi Dia. (*Baca Kolose 1:10 kepada mereka.*) “Sehingga hidupmu layak di hadapan-Nya serta berkenan kepada-Nya dalam segala hal, dan kamu memberi buah dalam segala pekerjaan yang baik dan bertumbuh dalam pengetahuan yang benar tentang Allah.”



Renungan Peribadi

1. Minta mereka tetap berada dalam kumpulan masing-masing.
2. Suruh mereka bincangkan apakah tindakan-tindakan yang boleh mereka ambil untuk mengamalkan cara hidup saleh dan benar dan berkenan kepada Allah, contohnya, jujur, ambil berat tentang orang lain, tolong-menolong, dsb.
3. Suruh mereka tuliskan saranan-saranan mereka di atas kertas; pastikan setiap saranan itu diringkaskan kepada bahasa yang mudah difahami.



Doa

Biarkan setiap kumpulan berdoa dalam kumpulan masing-masing. Suruh mereka persembahkan segala tindakan-tindakan yang telah mereka bincangkan untuk mengamalkan cara hidup yang berkenan kepada Allah. Galakkkan mereka berdoa untuk meminta kekuatan dari Tuhan supaya mereka dapat melakukan apa yang telah mereka tuliskan.

Sesi 6: Tuhan Yang Maha Esa



Objektif-Objektif Sesi

1. Mengenal pasti sifat-sifat Allah sebagai Tuhan dan Pencipta segala yang ada.
2. Menyedari bahawa mereka boleh menyerahkan segala masalah kepada Allah semata-mata kerana Dia adalah Tuhan.
3. Mengerti dengan tepat hal-hal/aspek-aspek Allah yang amat bermakna bagi diri masing-masing



Pencetus Minat

Tujuan aktiviti ini ialah untuk melihat sebaik mana para peserta memainkan permainan ‘tic-tac-toe’ yang kebiasaannya dimainkan dengan menggunakan lambang-lambang ‘X’ dan ‘O’.

1. Alihkan semua kerusi ke satu sudut bilik.
2. Atur sembilan buah kerusi dalam tiga barisan, sama seperti gambar rajah ‘tic-tac-toe’.
3. Kemudian, bahagikan mereka kepada dua kumpulan.
4. Setiap kumpulan mengambil giliran menghantar seorang ahli untuk duduk di atas salah sebuah kerusi.
5. Kumpulan pertama yang berjaya mendudukkan tiga orang ahli dalam satu barisan, menang.
6. Jika mahu lebih mencabar, hadkan masa 5 saat bagi pesaing membuat keputusan kerusi mana yang dipilihnya.
7. Kedua-dua kumpulan boleh mengambil giliran untuk memulakan permainan.
8. Tentukan berapa kali permainan akan dijalankan. Kemudian kira semua markah untuk mendapatkan pemenangnya .



Aktiviti Bersama

1. Biar mereka membaca dan mencari jawapan daripada ayat-ayat Alkitab yang diberi.
2. Kemudian, tanya para peserta dua soalan berikut, satu demi satu.
 - * Pada saat ini, apakah yang paling anda takuti?
 - * Apakah yang anda khuatirkan atau ragukan dalam hidup anda?
3. Suruh mereka rujuk kembali ayat-ayat Alkitab dan minta mereka kenalpastikan ayat mana tentang Allah yang dapat dikaitkan kepada keadaan mereka dan mana satu yang akan mereka

pegang erat sebagai suatu keyakinan bahawa Allah akan bersama-sama mereka mengharungi keadaan tersebut dengan berjaya. Suruh mereka tulis rujukan ayat Alkitab itu bersebelahan jawapan masing-masing.

4. Berikan masa yang mencukupi supaya mereka dapat memikirkan dan merenungi makna bahagian-bahagian Alkitab itu berkaitan dengan pengalaman mereka ketika itu. Kemudian, suruh mereka berdoa dan menyerahkannya kepada Allah.



Renungan Firman Tuhan

A. Pengenalan

1. Kita semua pernah bermain ‘tic-tac-toe’, bukan? (*Beri masa mereka membalsas.*)
2. Tetapi bermain ‘tic-tac-toe’ atas kertas menggunakan ‘X’ dan ‘O’ jauh berbeza dengan bermain menggunakan orang, kan?
3. Kebanyakan di antara anda tentu tahu pelbagai strategi untuk menang. Tetapi masa anda bermain tadi, tentunya anda sedar bahawa tumpuan dan perhatian yang lebih diperlukan walaupun strategi-strateginya sama.
4. Cara permainan tiga dimensi berbanding dua dimensi amat berbeza kerana ia memerlukan perspektif yang berlainan.
5. Begitu juga dengan pemahaman kita tentang Allah. Kita menyangka kita tahu sangat tentang siapa Allah. Jika saya suruh salah seorang menceritakan apa yang anda tahu tentang Allah, saya pasti anda dapat memberikan satu senarai panjang, bukan? (*Beri mereka masa untuk berkongsi.*)
6. Ada baiknya jika kita melihat Allah daripada satu sudut yang lain dan cuba memahami-Nya mengikut perspektif yang berbeza.

B. Allah Yang Satu Dan Yang Benar

1. Kewujudan Diri Allah dan Ketidakterbatasan-Nya (Wahyu 1:8)
 - a. Allah tidak dicipta. Dia sememangnya wujud dan lengkap. Dia tidak memerlukan apa-apa atau sesiapa untuk mencipta-Nya. Dia juga tidak memerlukan apa-apa atau sesiapa untuk mengekalkan kewujudan-Nya.
 - b. Dia juga tidak terbatas. Dia tidak dibatasi waktu atau ruang seperti kita.
 - c. Sejak dahulu lagi, Dia sudah wujud dan Dia akan terus wujud di luar batasan waktu. Allah tidak bermula atau berakhir seperti kita – kita wujud saat kita dilahirkan dan kewujudan kita tamat bila kita meninggal kelak.

2. Alkitab mengatakan bahawa Allah adalah Alfa dan Omega. Kedua-dua huruf ini ialah huruf pertama dan terakhir abjad bahasa Yunani. Maknanya ialah Allah adalah yang pertama dan terakhir segala yang wujud. Dia wujud sekarang, sebelum ini dan di masa akan datang.

Dalam lain perkataan, Allah wujud dengan sendirinya dan merupakan sumber kewujudan itu sendiri. Dia wujud sejak mula lagi dan akan terus wujud selama-lamanya.

3. Dia tidak dicipta. Sebaliknya, Dia adalah Pencipta yang mewujudkan segala sesuatu. Allah bukan sahaja bertanggungjawab menciptakan segala-galanya tetapi Dia juga merupakan sumber kehidupan itu sendiri. Semua yang hidup berhutang nyawa kepada Dia.

4. Dalam Kisah Rasul-Rasul 17:24-28, Dia-lah yang terus mengekalkan segala yang hidup kerana "...di dalam Dia kita hidup, kita bergerak, kita ada." Dia jugalah yang memastikan segala-galanya berjalan lancar di dunia ini. Pernahkah anda tertanya apakah yang akan berlaku jika semua hukum fizikal cakerawala ini tiba-tiba menjadi kelam-kabut? Seperti contoh, jika hukum graviti tidak lagi berfungsi, atau kelajuan cahaya tiba-tiba berkurangan? (Beri mereka peluang berkongsi.)

Allah-lah yang memastikan kelancaran semua yang wujud. Dia mengekalkan segala-galanya sehingga tiba masanya untuk Dia kembali dengan diiringi langit dan bumi yang baru.

5. Kekal Dan Abadi (Mazmur 93:2; 1 Timotius 6:16)

- Alkitab memberitahu kita bahawa Allah adalah *kekal* (Mazmur 93:2) dan *abadi* (1 Timotius 6:16). Semua ciptaan seperti kita mempunyai jangka hidup yang terhad dan kita semua akan mati suatu hari kelak. Tetapi berlainan dengan Allah.
- Sejak mula lagi, Dia sudah wujud dan Dia akan terus wujud selama-lamanya. Dia *kekal abadi*.
- Dia tidak akan berakhir. Dia wujud selama-lamanya.
- Malah, bintang-bintang di cakerawala mempunyai kewujudan yang terhad tetapi tidak demikian dengan Allah. Dia hidup dan memerintah selama-lamanya.
- Paulus mengatakan dalam Timotius bahawa kita tidak dapat melihat Allah. Namun demikian, pada suatu detik bersejarah, Allah menyatakan diri-Nya kepada kita melalui Yesus Kristus agar kita dapat mendekati Dia, mengenali Allah yang *kekal abadi* ini. Itulah berita hebat Injil.

6. Tidak Berubah (Maleakhi 3:6)

Allah tidak berubah. Ini bererti bahawa sifat dan ciri-ciri-Nya adalah tetap sama. Kewujudan Allah, karakter Allah dan cara-cara-Nya tidak berubah. Sebagai contoh, Allah tetap mengasihi umat-Nya Israel, tidak kira berapa jahatnya mereka dalam kedosaan dan pemberontakan mereka terhadap-Nya. Walaupun kita sering berubah dalam kesetiaan kita kepada-Nya, Allah tetap setia sebab Dia tidak berubah atau menyangkal diri-Nya (2 Timotius 2:13).

7. Allah Yang Satu dan Yang Benar (Yesaya 43:10-13)

- a. Semua sifat atau ciri-ciri yang telah kita bincangkan selama ini, membezakan Allah daripada kita, umat ciptaan-Nya dan menunjukkan bahawa Dia-lah Allah.
- b. Tambahan lagi, Alkitab memberitahu kita bahawa segala sifat dan ciri ini membezakan Allah daripada semua *ilah* yang lain kerana mereka merupakan dewa-dewa ciptaan kita.
- c. Allah sendiri mengisyiharkan bahawa hanya Dia sahajalah, yang telah menyatakan diri-Nya kepada kita, satu-satunya Allah yang benar.

Amat mustahak bagi anda mengetahui semua maklumat tentang siapa Allah ini yang sedang anda sembah. Tetapi apa yang lebih penting ialah anda menjadikan pengetahuan tentang Allah kepada perhubungan erat dengan Allah sendiri. Bagaimana semua maklumat tentang Allah membantu anda menjalin perhubungan erat dengan-Nya? (*Luangkan masa bagi mereka memberi pendapat masing-masing.*)

Anda perlu merenungi apa yang sudah anda pelajari ini dan pohn pada Allah untuk menjadikan pengetahuan yang termuat dalam minda kepada pengetahuan yang tersemat dalam hati. Mintalah pada Dia supaya membantu anda mengenali pelbagai aspek Allah dalam hidup anda. Allah pasti mengabulkan. Dia akan memimpin anda agar lebih mengenali-Nya serta mengenali diri anda sendiri.



Renungan Peribadi

Nyatakan Dengan Lambang

1. Suruh mereka renungi apa yang sudah dipelajari hari ini. Kemudian, mereka harus fikirkan satu lambang atau gambar yang paling sesuai yang dapat mewakili salah satu sifat Allah yang amat bermakna bagi diri mereka. Sebagai contoh, mereka boleh melukis pemandangan matahari terbit bagi melambangkan kasih Allah yang tetap dan tak berubah terhadap mereka.

2. Galakkan supaya mereka bebas meluahkan perasaan masing-masing.
3. Kemudian, minta mereka berkongsi dalam kumpulan masing-masing. Mungkin mereka boleh teka terlebih dahulu apakah yang dilambangkan oleh lukisan masing-masing sebelum pelukis sendiri menjelaskan maknanya.
4. Jika masa mengizinkan, minta beberapa orang berkongsi kepada seluruh kumpulan lambang-lambang yang mereka pilih serta makna masing-masing.
5. Suruh mereka fikir dan renungi lambang mereka sepanjang minggu yang akan datang dan izinkan Allah menggunakan lambang tersebut untuk mengenali Allah dengan lebih dalam lagi.



Doa

Minta mereka berdoa dalam kumpulan kecil masing-masing. Suruh mereka ambil giliran berdoa, gunakan lambang-lambang mereka sebagai titik permulaan untuk mengucap syukur dan memuji Allah – Allah yang satu dan yang benar yang layak menerima penyembahan mereka. Pujiyah Allah yang tidak terbatas, yang kekal dan yang tidak berubah.

Sesi 7: Tuhan Yang Maha Kuasa



Objektif-Objektif Sesi

1. Mengetahui bahawa kedaulatan Allah dinyatakan melalui hadirat, hikmat serta kuasa Allah yang Maha Esa.
2. Mengaitkan apa yang mereka pelajari tentang kuasa, hadirat dan hikmat Allah ke dalam beberapa aspek kehidupan mereka.
3. Mereka sekeping kad sebagai peringatan bagi diri masing-masing bahawa hidup mereka berada dalam kawalan Allah yang mengetahui dan melihat segala-galanya.



Pencetus Minat Yang ‘Ter-Paling Baik’

1. Bahagikan para peserta kepada 6 hingga 8 orang sekumpulan.
2. Jelaskan bahawa ini merupakan satu pertandingan mencari kumpulan mana yang mempunyai paling ramai orang yang terbaik dalam beberapa kategori.
3. Baca senarai kategori-kategori tetapi jangan huraikan apa yang terlibat. Dengan cara ini, mereka perlu memutuskan siapa yang harus dipilih untuk kategori tertentu. Jelaskan bahawa setiap orang mesti mewakili kumpulan masing-masing sekurang-kurangnya dalam satu kategori. Beri mereka masa untuk memilih pemain-pemain mereka.
4. Kumpulan yang mempunyai paling ramai “Yang Ter-Paling Baik” menang.
5. Di bawah disenaraikan contoh-contoh kategori yang boleh digunakan. Anda boleh tambah kategori yang lain.

Kategori

Kekuatan

Kelajuan

EQ – Darjah Kesihatan Emosi

Kekuatan

IQ – Darjah Kecerdasan

Rasa Takut

Kekayaan

Pertandingan

adu tangan

Lari atas lutut

Sukat lebar mulut bila senyum

Tahan nafas (kekuanan paru2)

Cari jumlah semua nombor pada dial telefon dan darab jumlah itu dengan semua nombor yang ada pada dial. (Jawapan: Kosong)

Jeritan paling kuat

Yang mempunyai paling banyak wang pada dirinya (tidak dibenarkan mengambil wang ahli kumpulan)



Aktiviti Bersama

1. Biar mereka mengambil beberapa waktu untuk menjawab 2 pertanyaan tersebut.
2. Bahagikan mereka dalam beberapa kumpulan, dan biarkan mereka berkongsi antara satu sama lain tentang apa yang telah mereka tulis.
3. Di akhir perbincangan tersebut, simpulkan dengan mengatakan bahawa Allah adalah Tuhan semesta alam dan tidak ada yang sukar bagiNya. Semuanya ada di dalam kawalan-Nya, termasuklah kehidupan mereka!



Renungan Firman Tuhan

A. Pengenalan

1. Kita semua pasti berbangga jika berjaya menjadi yang terbaik dalam bidang-bidang tertentu, bukan? Malangnya, usaha terbaik kita tiada tandingannya dengan apa yang boleh dilakukan oleh Allah. Kita boleh membina bangunan paling tinggi di dunia tetapi ia kelihatan kerdil berbanding dengan gunung yang paling rendah yang dicipta oleh Allah. Kita boleh membina satelit yang lebih besar dan lebih canggih untuk memperbaiki komunikasi, malah mengembangkan kemudahan laman web tetapi kita masih tidak dapat mengetahui segala-galanya pada sesuatu waktu.
2. Minggu lalu, anda mempelajari bahawa Allah telah mengisyiharkan dengan jelas dalam Yesaya 43, Dia-lah Allah yang satu dan selain daripada Dia, tidak ada *ilah* yang lain. Dia-lah yang memerintah dunia ini, tertinggi dan berdaulat baik dalam kuasa maupun wewenang.
3. Hari ini, kita mahu melihat bagaimana kedaulatan ini dinyatakan melalui tiga lagi sifat Allah yang berkaitan.

B. Kuasa-Kuasa Allah

1. Allah Yang Maha Kuasa

- i. Suruh mereka membuka Alkitab kepada Kejadian 17:1-8, 15-22. Minta salah seorang membacanya.
- ii. Kemudian, tanya soalan-soalan berikut:
 - * Apa yang dijanjikan Allah kepada Abraham? (Menjanjikan dia akan menjadi bapa kepada banyak bangsa dan memberikan dia zuriat sebagai memenuhi janji ini)
 - * Mengapa Abraham berpendapat Allah tidak mungkin memberikan dia zuriat? (Mereka suami isteri sudah lanjut umur)

* Adakah Allah berupaya menepati janji-Nya? (Suruh mereka rujuk kepada Kejadian 18:14 dan 21:1-7)

- a. Berulang kali dalam Perjanjian Lama, anda dapat melihat Allah menentang pemahaman kita mengenai apa yang mustahil dan menepati janji-Nya kepada umat-Nya. Beri mereka masa menyatakan contoh-contoh lain dalam Perjanjian Lama yang menunjukkan Allah sebagai Maha Berkasa dan dapat melakukan apa yang kita, manusia anggap mustahil.
- b. Begitu juga, dalam Perjanjian Baru Allah turut menunjukkan kuasa-Nya. Suruh mereka berikan contoh-contoh kuasa Allah dalam Perjanjian Baru. Kita melihat satu contoh utama dalam kelahiran Yesus melalui seorang anak dara dan banyak lagi mukjizat yang dikerjakan oleh Yesus semasa Dia di bumi.
- c. Dalam kekuasaan-Nya, Allah mengerjakan apa yang dianggap mustahil pada pandangan manusia. Kuasa-Nya bukan sahaja aktif dalam kehidupan peribadi kita atau kehidupan komuniti, Dia turut aktif dalam kerajaan-kerajaan dan bangsa-bangsa.
- d. Walau bagaimana pun, kita perlu ingat bahawa Allah tidak bertindak seperti seorang ahli silap mata:
 - i. Kuasa-Nya tidak merangkumi apa yang bertentangan atau tidak selari dengan sifat-Nya sendiri. Ianya juga tidak berlawanan dengan hukum-hukum semulajadi yang telah ditentukan-Nya sejak mula lagi. Sebagai contoh, Allah tidak akan menjadikan seketul batu, seekor burung sesuka hati semata-mata untuk menunjuk-nunjuk kuasa-Nya; Tujuh darab dua tidak akan menjadi sepuluh, dsb.
 - ii. Dia seringkali menggunakan cara-cara biasa, sebagai contoh, Dia mengurniakan zuriat kepada Abraham dan Sarah melalui cara yang semula jadi dan bukannya secara ajaib menciptakan anak bagi mereka dengan serta -merta!
- e. Oleh kerana Allah adalah Maha Kuasa, anda boleh mempercayai-Nya dengan penuh keyakinan bahawa di tengah-tengah segala yang 'mustahil' dan masalah-masalah, tiada apa-apa yang terlalu sukar bagi Dia.

2. Allah Yang Maha Hadir dan Maha Tahu

- i. Suruh mereka bukakan Alkitab kepada Bilangan 12:1-16. Minta seorang di antara mereka membacanya. Kemudian, tanya mereka soalan berikut:

* Apakah yang dilakukan oleh Harun dan Miriam tanpa

pengetahuan Musa? (Mereka iri hati dengan Musa dan mendakwa bahawa mereka juga sama penting seperti Musa kerana Allah turut berbicara melalui mereka juga)

* Walaupun Musa tidak tahu apa yang sedang berlaku, siapa yang tahu? Bagaimana hal ini mungkin terjadi? (Allah yang tahu kerana Dia hadir di mana-mana sahaja dan tahu segala-galanya).

- a. Allah hadir di semua tempat, iaitu Dia Maha Hadir.
- b. Allah juga Maha Tahu, iaitu Dia melihat dan mengetahui segala-galanya. Tiada apa yang tersembunyi daripada Allah.
- c. Suruh mereka cadangkan beberapa kejadian dalam Alkitab yang menunjukkan Allah sebagai Maha Hadir dan Maha Tahu.
- d. Kedua-dua ciri Allah ini memberikan implikasi yang menakutkan dan juga pada masa yang sama, suatu jaminan. Dia melihat dan mengetahui segala kejahatan dan kepura-puraan di dalam dunia dan hidup kita. Jadi, kita langsung tidak dapat menyembunyikannya daripada Dia (Amsal 15:3; Ibrani 4:13).
- e. Pada masa yang sama, Dia memahami apa yang sedang kita alami dan kegagalan serta kecenderungan kita melakukan dosa.
- f. Dengan itu, kita tidak dapat dan tidak perlu menyembunyikan perasaan dan pergumulan kita daripada Allah. Dia juga tahu dan melihat penderitaan dan ketidakadilan yang mungkin kita hadapi.



Renungan Peribadi

Kad Nama Allah

1. Sediakan beberapa keping kad nama yang kosong atau kertas lukisan supaya para peserta boleh memotong kad-kad nama mereka sendiri.
2. Tuliskan yang berikut di atas papan tulis supaya mereka boleh salinlan atas kad masing-masing. Mereka boleh pilih salah satu frasa yang tertulis atau mereka boleh mengarang semula, asalkan bermakna bagi mereka.

Allah Maha Mengetahui (Mazmur 139:7-10)

Oleh kerana Allah hadir di mana-mana sahaja, Dia mengetahui dan memahami segalanya. Baik kedukaan yang paling perit mahupun kesukaan yang paling ceria, Dia menyertai saya. Saya tidak dapat melarikan diri daripada kasih-Nya terhadap saya.

Allah Maha Berkuaasa (Ayub 42:1-2)

Allah adalah Tuhan semesta alam. Tidak ada yang terlalu sukar bagi-Nya. Dia menguasai sepenuhnya segala rencana bagi dunia dan hidup saya. Tiada apa yang dapat mengubah hakikat ini.

3. Mereka boleh simpan kad ini dalam dompet masing-masing sebagai peringatan bahawa Allah berdaulat dalam kehidupan mereka.



Doa

1. Suruh mereka meluangkan masa, menenangkan diri dalam hadirat Tuhan. Kemudian suruh mereka mengucapkan terima kasih kerana Allah sudi hadir bersama. Ingatkanlah mereka bahawa Allah menguasai dan mengawasi hidup mereka.
2. Akhiri dengan mendoakan mereka, mengucap syukur kerana Tuhan berdaulat dalam hidup mereka, Tuhan mengetahui dan melihat segalanya serta berupaya menguruskan semua demi kebaikan mereka.

Sesi 8: Tuhan Yang Maha Kudus



Objektif-Objektif Sesi

1. Mengetahui bahawa kekudusan Allah mengasingkan-Nya daripada makhluk lain dan bahawa Dia adalah murni dan sempurna.
2. Memikir dan merenung bersama-sama sebagai satu kumpulan, apakah ertiinya hidup suci/kudus itu.
3. Sebagai satu kumpulan, membuat komitmen akan bertumbuh dalam satu aspek kehidupan mereka supaya lebih suci/kudus.



Aktiviti Bersama “Anugerah Nobel Abad”

Tujuan aktiviti ini ialah memberi mereka peluang menentukan syarat-syarat kelayakan penerima penghargaan khusus.

1. Bahagikan para peserta kepada 4 atau 5 orang sekumpulan.
2. Jelaskan keadaan ini kepada mereka:
Tahun ini, hadiah Nobel baru telah diperkenalkan yang dikenali sebagai Nobel Abad. Ia dianugerahkan untuk menghargai seseorang yang khusus dalam abad ke dua puluh atau ke dua puluh satu yang merupakan teladan yang patut dicontohi. Anda telah dipilih menjadi salah seorang ahli jawatankuasa pemilihan calon. Peranan anda ialah memilih seorang untuk menerima anugerah ini.
3. Jelaskan kepada mereka bahawa calon yang mereka pilih boleh terdiri daripada sesiapa sahaja yang hidup dalam abad ke dua puluh atau ke dua puluh satu sama ada sudah meninggal atau masih hidup. Mereka mesti memutuskan apakah syarat-syarat yang akan melayakkan calon mereka. Setiap kumpulan mesti memilih seorang calon.
4. Setelah mereka selesai, salah seorang ahli kumpulan bolehlah ceritakan siapa calon mereka dan apakah sebab-sebabnya mereka membuat pilihan tersebut.



Renungan Firman Tuhan

A. Pengenalan

1. Kita semua mempunyai idea-idea yang berlainan mengenai syarat-syarat apa yang melayakkan seseorang itu bergelar khusus dan menerima penghargaan. (*Rujukkanlah kepada orang-orang yang sudah mereka kemukakan tadi.*)
2. Namun demikian, kebanyakannya daripada kita akan berpendapat bahawa sifat-sifat moral seseorang (*rujuk kepada syarat-syarat yang dipilih mereka – harap-harap senarai mereka mengandungi sifat moral sebagai syarat kelayakan!*) merupakan bahagian penting karakter seseorang serta sumbangannya kepada masyarakat. Anda mungkin sangat berbakat atau amat berjaya tetapi jika anda tidak memiliki sifat-sifat dalaman seperti kejujuran atau kebaikan, anda masih kekurangan sifat/ciri yang membolehkan orang lain menghargai anda.
3. Mengapa ciri-ciri moral seperti kebaikan, kasih, kejujuran dsb., begitu penting? (*Beri mereka masa berbincang.*) Ini adalah kerana kita diciptakan menurut gambaran Allah. Sifat Allah sendiri merupakan kesempurnaan segala cirri-ciri moral yang kita hargai dan sanjungi sesama manusia.
4. Anda telah mempelajari tentang sifat-sifat Allah yang tidak terbatas, kewujudan diri-Nya dan keabadian-Nya serta kemahakuasaan-Nya. Hari ini kita akan belajar tentang sifat keilahan yang turut merangkumi aspek moral.

B. Kekudusan Allah

- i. Suruh mereka tetap bersama kumpulan masing-masing dan buka kepada Yesaya 6:1-7.
- ii. Suruh mereka ambil giliran membaca ayat-ayat Alkitab itu, seorang membaca satu ayat.
- iii. Suruh mereka bincang apakah yang dimaksudkan oleh para serafim bila mereka berseru “Kudus, kudus, kuduslah Tuhan” dan apakah kaitannya dengan reaksi Yesaya.
- iv. Seorang jurucakap daripada setiap kumpulan akan mengongsikan apa yang sudah dibincangkan tadi.

Kemudian, ringkaskan seperti berikut:

Kekudusan Allah membawakan dua implikasi:

1. Allah berlainan daripada segala makhluk yang lain
 - a. Yesaya memberikan gambaran Allah bersemayam di atas takhta-Nya, memerintah segala sesuatu sementara para serafim berterbangan mengisyiharkan kekudusan-Nya.

- b. Kekudusan Allah memberi implikasi bahawa Dia-lah satu-satunya Allah dan dengan demikian berbeza daripada segala makluk yang lain.
 - c. Bacakan *Keluaran 15:11* kepada mereka. Musa mengatakan bahawa tiada yang seperti Allah dalam kekudusan dan kemuliaan-Nya.
 - d. Kita diberi pandangan sepantas lalu akan kekudusan dan kemuliaan Allah ketika Dia turun dari Gunung Sinai untuk berucap kepada umat Israel (*Keluaran 19:10-15*). Bayangkan gunung besar ini umpama sebuah relau, mengeluarkan asap berkepul-kepul dan bergoncang dengan kuat. Di atas Gunung Sinai inilah Allah turun. Tetapi apa yang dapat dilihat oleh umat Israel hanya kemuliaan-Nya yang seperti api yang memarak.
2. Dia murni dan sempurna, tanpa dosa atau kejahatan
- a. Kekudusan Allah juga membawa implikasi bahawa dalam Dia, merupakan segala kemurnian, kebaikan, keadilan dan segala kesempurnaan moral. Betapa baik dan tinggi sekalipun moral yang ada pada kita, bila dibandingkan dengan Allah, tidak akan mencapai kesempurnaan Allah.
 - b. Ketika Yesaya bersemuka dengan Allah dalam kekudusan-Nya, reaksi Yesaya yang pertama ialah dia akan mati kerana dia, orang berdosa bersemuka dengan Allah yang maha kudus dan suci.
 - c. Umpama setitis air di atas dapur panas, sebaik saja titisan air itu menyentuh permukaan dapur, ia lesap dan lenyap. Demikian juga jika kita bersemuka dengan Allah, kerana segala yang tidak murni dan tidak sempurna tidak dapat bertahan dalam hadirat Allah Maha Kudus dan Maha Suci.
 - d. Suruh mereka rujuk kepada *Keluaran 33:19-20*. Dalam *Keluaran 33:19-20*, Allah memberitahu Musa bahawa tidak seorang pun yang melihat Dia akan terus hidup. Oleh sebab itu, tidak seorang pun yang dapat mendekat Gunung Sinai kecuali Allah menyucikannya. Jika tidak, mereka akan mati disebabkan kekudusan Allah yang begitu menakjubkan.
 - e. Oleh sebab itu, Yesaya memerlukan para serafim menghapuskan dosa-dosanya. Atas sebab ini jugalah, tiada seorang pun umat Israel yang boleh masuk Tempat Kudus di sebalik tirai di Bait Suci. Ini merupakan tempat yang mewakili hadirat Allah di kalangan umat-Nya.
 - f. Hanya Imam Besar sahaja yang boleh masuk setahun sekali untuk menebus dosa umat Israel. Itu pun, hanya

setelah Imam Besar mempersembahkan korban tebusan bagi dirinya sendiri. Oleh sebab itulah, Jesus harus menghapuskan dosa-dosa kita agar kita dapat bersemuka dengan Allah kita yang kudus.

C. Umat Allah Yang Kudus

Suruh mereka kekal bersama kumpulan masing-masing dan buka Alkitab kepada 1 Petrus 1:13-16. Kemudian ringkaskan seperti berikut:

- a. Oleh sebab Allah adalah kudus, Dia menyeru umat-Nya supaya kudus seperti Dia.
- b. Kebenaran ini amat penting kerana Allah sendiri, melalui Roh Kudus, menetap dalam diri anda. Paulus memberitahu kita bahawa tubuh kita merupakan Bait Suci Roh Kudus. Oleh sebab Dia adalah kudus, kita harus juga kudus.
- c. Kekudusan bukan sahaja sepatutnya mempengaruhi tingkah laku anda yang dapat dilihat tetapi ia juga merangkumi kehidupan dalaman anda – sikap-sikap serta pemikiran dan perasaan anda.



Renungan Peribadi

- i. Suruh mereka bincang dalam kumpulan bagaimana mereka boleh hidup suci dalam aspek-aspek berikut: Pertuturan, Cara Berpakaian, Apa Yang Saya Baca dan Tonton; Apa Yang Saya Buat Di Masa Lapang; Sikap-sikap Saya; Pemikiran Saya; Perhubungan Saya.
- ii. Suruh mereka catatkan semua cara-cara praktikal supaya mereka boleh menjadi kudus dalam aspek-aspek tersebut.
- iii. Setelah mereka selesai, biarkan setiap kumpulan membentangkan idea-idea mereka. Jika ada sebarang cadangan lain yang berguna, mereka boleh tambahkan pada senarai masing-masing.



Doa

Berdoalah untuk mereka supaya Allah membantu mereka memahami bahawa Dia-lah Allah yang satu dan yang benar serta tiada Allah selain Allah Maha Esa. Mohonlah Roh Kudus memberi mereka pengertian sedalam-dalamnya tentang hidup suci yang tidak terasing daripada saudara-saudari yang lain. Doalah agar Allah memberi mereka kekuatan dan melengkapi mereka, sebagai satu tubuh, supaya hidup lebih suci and berkenan kepada-Nya.

Evaluasi OBOR Belia

Dengan berbesar hati kami mengharapkan anda dapat meluang sedikit masa untuk mengisi Borang Evaluasi ini. Ini adalah supaya ia dapat membantu kami dalam memperbaiki dan meningkatkan lagi material OBOR Belia.

A. Umum

1. Adakah anda (a) Peserta atau (b) Pembimbing?
2. Berapa ramai orang dalam kelompok belajar / Kelompok Sel anda?
 Kurang dari 5 orang
 6 hingga 10 orang
 10 hingga 15 orang
 Lebih dari 15 orang (Nyatakan: _____)
3. Berapa kerap anda menggunakan bahan pelajaran ini?
 Setiap minggu

4. Bagaimana anda menggunakan bahan pelajaran ini?
 Ikuti hampir 100%
 Mengubahsuai untuk disesuaikan dengan kelompok saya.
 Hanya menggunakan bahagian-bahagian tertentu
(Nyatakan: _____)
5. Pada umumnya, adakah OBOR Belia ini berguna untuk kelompok anda?

<input type="checkbox"/> A – Baik sekali	<input type="checkbox"/> D – Kurang baik
<input type="checkbox"/> B – Baik	<input type="checkbox"/> E – Tidak baik
<input type="checkbox"/> C – Rata-rata sahaja	

B. Soalan Spesifik

6. Bagaimana anda menilai bahagian-bahagian berikut dalam OBOR Belia?
 - a. Topik yang diliputi

- b. Bahagian Aktiviti Bersama
 - c. Bahagian Pencetus Minat
 - d. Bahagian Renungan Firman Tuhan
 - e. Bahagian Renungan Peribadi
 - f. Bahagian Santapan Minda
7. Adakah OBOR Belia ini memenuhi keperluan kelompok anda?
8. Adakah ia berkesan dalam memenuhi keperluan?
9. Adakah bahan pelajaran ini mudah digunakan?
10. Apa yang paling anda suka tentang bahan pelajaran ini?
11. Apa yang anda anggap paling lemah dalam OBOR Belia?
12. Ada apa-apa cadangan supaya kami dapat memperbaikinya?

*Sila email kepada kami di wawasan.penabur@gmail.com.
Hadiah kecil sebagai ucapan terima kasih akan kami kirimkan kepada anda.*

Siri buku OBOR Belia yang diterbitkan oleh Wawasan Penabur Sdn. Bhd. ini mengandungi tema-tema utama iman Kristian dan isu-isu praktikal yang dihadapi oleh pemuda-pemudi zaman sekarang. Sebanyak 25 buku dalam Siri OBOR Belia yang merangkumi kurikulum 5 tahun telah dirancang untuk kegunaan pemuridan dan persekutuan belia.

Ada empat kategori utama untuk siri OBOR ini: *Asas-asas Iman, Kehidupan dalam Kristus, Isu-isu Praktikal dan Cara Menghadapi Kepercayaan-Kepercayaan Lain*. Semua pelajaran telah ditulis dengan lengkap dan sistematis, mengandungi ajaran Alkitab yang kukuh, bersifat interaktif dan sedia digunakan oleh para pembimbing dan belia*.

Buku yang ke-lapan, "**Kenalilah Dia (Sifat dan Karakter Tuhan)**" bertujuan memperkenalkan para belia kepada beberapa sifat dan karakter Allah dan meluaskan pemahaman mereka tentang Dia. Ada banyak perbezaannya antara mengenali Allah dan mengetahui tentang Allah. Buku ini bukan sekadar mengisi minda para belia dengan pengetahuan tentang Allah semata-mata. Yang lebih mustahak ialah anda belajar mendekati, mendampingi dan mengenali-Nya. Ingatlah bahawa dengan tujuan inilah kita semua dicipta -- supaya kita memengenali Allah serta mengasihi Dia.

"Pendekatan buku ini sungguh segar. Aktivitinya yang kreatif dapat menawan minat belia. Kurikulum OBOR Belia yang ditulis menurut konteks kebudayaan Malaysia serta memberi penekanan praktikal sungguh berguna bagi pertumbuhan belia. Saya yakin bahawa kurikulum ini akan membantu mereka untuk berdiri teguh dalam iman, dan membimbing mereka untuk menyumbang terhadap pembangunan masyarakat yang bermoral, bersifat penyayang dan berperhatian."

Rev. Denil Raut, Presiden Sidang Injil Borneo (SIB) Semenanjung

"Didiklah orang muda menurut jalan yang patut baginya, maka pada masa tuanya pun ia tidak akan menyimpang dari pada jalan itu" (Amsal 22:6).

"Masa depan gereja di Malaysia sangat bergantung kepada bagaimana kita mempersiap dan memuridkan generasi muda kita hari ini. Mereka adalah aset gereja yang sangat berharga dan merupakan calon pemimpin dalam pelayanan gereja pada masa akan datang. Kita memerlukan bahan pemuridan yang sistematis, menyeluruh dan menekankan pengajaran Firman Tuhan untuk melahirkan satu generasi yang kuat dan berdaya saing dalam dunia yang sangat mencabar ini. Saya ingin mendorong gereja-gereja berbahasa Malaysia dan Orang Asli (OA) menggunakan OBOR Belia ini untuk tujuan memperdalamkan pemahaman Alkitab dan pembentukan supaya mereka boleh bertumbuh sebagai pengikut Kristus. Siri buku ini akan membantu melahirkan generasi muda orang Kristian yang mantap di Malaysia."

Alfred R. Tais, Setiausaha Eksekutif Komisi Bahasa Malaysia

National Evangelical Christian Fellowship (NECF)